

20  
18

東 京 図 書 館

漢書門類	正史類	別冊	五	八	二
函架	架	冊	號	冊	冊


漢書門類

漢書門類	五九五七	一四	二
函架	架	冊	冊


内閣文庫

漢書類	五九五七	二〇	三二〇
架	架	冊	函

内閣文庫	
番號	漢 5957
冊數	20 ( 16 )
函號	320 28



糊などで貼り付けられている部分がめくれない箇所あり  
綴じ部(喉部分)の文字など開きが不鮮明な箇所あり



武勸

列傳卷四十三

十三

王神念

子僧辯

羊鴉仁

淡泉

羊侃

廟

淺草文庫

大正

不

王神念太原祁人也少好儒術尤明內典仕魏任潁川太守與子僧辯據郡歸梁封南城縣侯歷安成武陽宣城內史皆著政績後為青冀二州刺史神念性剛正所更州郡必禁止淫祠時青州東北有石鹿山臨海先有神廟祿巫欺惑百姓遠近祈禱糜費極多及神念至便令撤風俗遂改後徵為右衛將軍卒於官謚曰壯及元帝初追贈侍

南史列傳五十三

中中書令改謚忠公神念少善騎射及老不衰嘗於武帝  
前手執二刀楯左右交度馭馬往來冠絕羣伍時復有楊  
華者能作驚軍騎亦一時妙捷帝深賞之華本名白花武  
都仇池人父大眼為魏名將華少有勇力容貌瓌偉魏胡  
太后逼幸之華懼禍及大眼死擁部曲載父屍改名華來  
降胡太后追思不已為作楊白花歌辭使宮人晝夜連臂  
蹋蹄歌之聲甚悽斷華後位太子左衛率卒於侯景暉神  
念長子遵業位太僕卿次子僧辯

僧辯字君才學涉該博尤明左氏春秋言辭辯捷器宇肅  
然雖射不穿札而有陵雲之氣元帝後為江州刺史僧辯

隨府為中兵參軍時有安成望族劉敬躬者田間得白黿  
化為金龜將銷之龜生光照室敬躬以為神而禱之其請  
多驗無語者多依之平生有德有怨者必報遂謀作亂遠  
近響應元帝命中直兵參軍曹子郢討之使僧辯襲安成  
子郢既破其軍敬躬走安成僧辯禽之又討平安州反蠻  
由是以當略稱元帝除荊州僧辯為貞毅府諮議參軍代  
柳仲禮為竟陵太守及侯景反元帝命僧辯總督舟師一  
萬赴援及至臺城陷沒侯景悉收其軍實而厚加綏撫遣  
歸竟陵於是倍道兼行西就元帝元帝承制以為領軍將  
軍及荆湘疑貳元帝令僧辯及鮑泉討之時僧辯以竟陵

間部下比口勁勇猶未盡來意欲待集然後上頓與泉俱入使泉先言之泉入不敢言元帝問僧辯僧辯以情對元帝性忌以為遷延不去大怒厲聲曰卿憚行拒命欲同賊邪今唯死耳僧辯對曰今日就戮甘心但恨不見老母帝自斫之中其髀流血至地悶絕久之方蘇即送廷尉并收其子姪並繫之其母脫簪珥待罪帝意解賜以良藥故不死會岳陽軍襲江陵人情搔擾元帝遣就獄出僧辯以為城內都督俄而岳陽奔退而鮑泉力不能剋長沙帝命僧辯代之僧辯仍部分將帥并力攻圍遂平湘土還復領軍將軍侯景浮江西寇軍次夏首僧辯為大都督軍次巴陵景

既陷郢城將進寇荊州於是緣江屯戍望風請服僧辯並沈公私船於水分命眾軍乘城固守偃旗卧鼓安若無人翌日賊眾濟江輕騎至城下謂城中曰語王領軍何不早降僧辯使答曰大軍但向荊州此城自當非礙僧辯百口在人掌握豈得便降景軍內薄苦攻城內同時鼓譟矢石雨下賊乃引退元帝又命平北將軍胡僧祐率兵援僧辯是日賊復攻城不剋又為火艦燒柵風不便自焚而退有流星墮其營中賊徒大駭相顧失色賊帥任約又為陸法和所禽景乃燒營夜遁旋軍夏首元帝以僧辯為征東將軍開府儀同三司江州刺史封長寧縣公命即率巴陵諸

軍泐流討景攻拔魯山仍攻郢即入羅城又有大星如車  
輪墜賊營去地十丈變成火一時碎散有龍自城出五色光  
曜入城前鸚鵡洲水中景聞之倍道歸建鄴賊帥宋子仙  
等困蹙求輸郢城身還就景僧辯偽許之子仙謂為信然  
浮舟將發僧辯命杜龕鼓譟掩至大破之禽子仙丁和等  
送江陵元帝命生釘和舌鬻殺之郢州既平僧辯進師尋  
陽軍人多夢周何二廟神云吾已助天子討賊自稱征討  
大將軍並乘朱航俄而反曰已殺景同夢者數十百焉元  
帝加僧辯侍中尚書令征東大將軍僧辯頻表勸進並蒙  
優答於是發江州直指建鄴乃先命南兖州刺史侯瑱襲

南陵鵲頭等戍並剋之先是陳武帝率眾五萬出自南江而  
軍五千行至盆口陳武名蓋僧辯僧辯憚之既至盆口與僧  
辯會于白茅洲為盟於是升壇歃血共讀盟文辭氣慷慨  
皆淚下霑衿及發鵲頭中江而風浪師人咸懼僧辯再拜  
告天曰僧辯忠臣奉辭伐罪社稷中興當使風息若鼎命  
中淪請從此逝言訖風止自此遂泛安流有羣魚躍水飛  
空引導賊望官軍上有五色雲雙龍挾艦行甚迅疾景自  
出戰於石頭城北僧辯等大破之盧暉略聞景戰敗以石  
頭城降僧辯引軍入據之景走朱方僧辯命眾將入據臺  
城其夜軍人失火燒太極殿及東西堂僧辯雖有滅賊之

功而馭下無法軍人鹵掠驅逼居人都下百姓父子兄弟相哭自石頭至于東城被執縛者男女裸露袒衣不免緣淮號叫翻思景焉僧辯命侯瑱裴之橫東追景偽行臺趙伯超自吳松江降侯瑱瑱送至僧辯僧辯謂曰卿荷國重恩遂復同逆今日之事將欲如何因命送江陵伯超既出僧辯顧坐客曰朝廷昔唯知有趙伯超豈識王僧辯乎社稷既傾為我所復人之興廢亦復何常賓客皆前稱歎功德僧辯懼然乃謬荅曰此乃聖上威德羣帥用命老夫雖濫居戎首何力之有焉於是逆寇悉平元帝即位授鎮衛將軍司徒加班劍二十人改封永寧郡公侍中尚書令如

故先是天監中沙門釋寶誌為讖云太歲龍將無理蕭經霜草應死餘人散十八子時言蕭氏當滅李氏代興及湘州賊陸納等攻破衡州刺史丁道貴而李洪雅又自零陵稱助討納既而朝廷未達其心詔徵僧辯就宜豐侯循南征為都督東上諸軍事以陳武帝為都督西下諸軍事先是陳武讓都督於僧辯僧辯不受故元帝分為東西都督而俱南討焉尋而洪雅降納納以為應符於是共議拜洪雅為大將軍尊事為主洪雅東平有大輿繳蓋鼓吹羽儀悉備翼從入長沙城時幼等據車輪夾岸為城士卒皆百戰之餘器甲精嚴徒黨勇銳蒙衝鬪艦巨水陵山時天日

清明初無雲霧軍發之際忽然風雨時人謂為泣軍百姓  
竊言知其敗也三月庚寅有兩龍自城西江中騰躍升天  
五色分明遙映江水百姓咸仰面目之父老或聚而悲竊  
相謂曰地龍已去國其亡乎初納造大艦一名曰三王艦  
者邵陵王河東王桂陽嗣王三人並為元帝所害故立其  
像於艦祭以大牢加其節蓋羽儀鼓吹每戰輒祭之以求  
福又造二艦一曰青龍艦一曰白虎艦皆衣以牛皮並高  
十五丈選其中尤勇健者乘之僧辯憚之稍作連城以逼  
焉賊不敢交鋒並懷懈急僧辯因其無備親執旗鼓以誠  
進止羣賊大敗歸保長沙僧辯乃命築壘圍之而自出臨

視賊知不設備其黨吳嚴李賢明等蒙楯直進僧辯尚據  
胡牀不為之動指麾勇敢遂斬賢明賊乃退歸初陸納作  
逆以王琳為辭云若放琳則自服時衆軍未之許而武陵  
王紀擁衆上流內外駭懼元帝乃遣琳和解之湘州乃平  
因被詔會衆軍西討尋而武陵敗績是時齊遣郭元建謀  
襲建鄴又遣其大將東方老等繼之陳武帝聞之馳報江  
陵元帝即詔僧辯急下赴援僧辯次姑熟即留鎮焉先命  
豫州刺史侯瑱築壘於東關以拒北軍徵吳郡太守張彪吳  
興太守裴之橫會瑱而大敗之僧辯振旅歸建鄴承聖三  
年二月詔以僧辯為太尉車騎大將軍頃之丁母憂母姓



魏氏性甚安和善於綏接家門內外莫不懷之初僧辯下  
獄母流淚徒行將入謝罪元帝不與相見時貞惠世子有  
寵母詣閣自陳無訓涕泗嗚咽衆並矜之及僧辯罪免母  
深相責厲辭色俱嚴雖剋復舊都功蓋宇宙母恒自謙損  
不以富貴驕物朝野稱之謂為明哲婦人及至甚見愍悼  
且以僧辯勲重故喪禮加焉命侍中謁者監護喪事謚  
曰貞敬太夫人靈柩將歸建康又遣謁者至舟渚弔祭其  
年十月魏遣兵及梁王答合衆將襲江陵元帝徵僧辯於  
建鄴為大都督荊州刺史未至而荊州已滅及敬帝初即  
梁王位僧辯預授立功承制進驃騎大將軍中書監都督

外諸軍事錄尚書與陳武帝參謀討伐時齊文宣又納  
陽侯明以為梁嗣與僧辯書并貞陽亦頻與僧辯書論  
國繼統之事僧辯不納及貞陽與齊上黨王高渙至東關  
散騎常侍裴之橫軍敗僧辯遂謀納貞陽仍書定君臣之  
禮因遣第七子顯顯所生劉并弟子珍往充質遣左戶尚  
書周弘正至歷陽迎明又遣吏部尚書王通送啓因求以  
敬帝為皇太子明報書許之僧辯遣使送質于鄴貞陽求  
度衛士三千僧辯慮其為變止受散卒千人而已并遣龍  
舟法駕往迎貞陽濟江之日僧辯擁楫中流不敢就岸末  
乃同會于江寧浦明踐位授僧辯大司馬領太子太傅楊

州牧餘如故陳武帝時爲司空南徐州刺史因自京口舉兵襲之僧辯常處石頭城是日視事軍人已踰城北而入南門又白有兵來僧辯與子頴遽走出閣計無所出乃據南門樓拜請求哀陳武縱火焚之方共頴下就執陳武謂曰我有何辜公欲與齊師賜討又曰何意全無防備僧辯曰委公北門何謂無備是夜及子頴俱被絞殺初僧辯平建鄴遣陳武守京口推以赤心結廉藺之分且爲第三子頴許娶陳武章后所生女未昏而僧辯母亡雖然情好甚密其長子頴屢諫不聽至是會江淮人報云齊兵大舉至壽春僧辯謂齊軍必出江表因遣記室參軍江旰以事報陳武仍使整舟艦器械陳武宿有固僧辯志交聞命留旰城中衛救而進知謀者唯侯安都周文育而已外人但謂江旰徵兵并北安都舟艦將趣石頭陳武控馬未進安都大懼乃追陳武罵曰今日作賊事勢已成生死須決在後欲何所望若敗俱死後期得免斫頭邪陳武曰安都嗔我乃敢進遂剋之時壽春竟無齊軍又非陳武之譎殆天授也顛承聖初位侍中魏剋江陵隨王琳入齊爲竟陵郡守齊遣王琳鎮壽春將圖江左及陳平淮南殺琳顛聞之乃出郡城南登高冢上號哭一慟而絕顛弟頴少有志節恒隨梁元帝及荊州覆滅入于魏僧辯旣亡弟僧智得就任

約約敗走僧智肥不能行又遇害僧智弟僧智位譙州刺史征蕭敷及聞元死引軍還時吳州刺史羊亮錄在僧智下與僧智不平必召侯瑱見禽僧智以名義責瑱瑱乃委罪於將羊鯨斬之僧智復得奔齊與徐嗣徽等挾齊軍攻陳軍敗竄逸荒野莫知所之仰天嘆曰辭恥不雪未欲自膏野草若精誠有感當得道路誓不受辱人手拔刀將自刎聞空中催令急去僧智異之勉力馳進行一里許顧向處已有陳人踰越江山僅得歸齊徐嗣徽高平人父雲伯自青部南歸位終新蔡太守侯景之亂嗣徽歸荊州元帝以爲羅州刺史及弟嗣宗並有武州嗣徽從征巴丘以功

爲太子右衛率監南荊州徐州之立任秦州刺史嗣宗在荊州滅亡中逃得至都從弟嗣先即僧辯之甥復爲比丘慧暹藏得脫俱還及僧辯見害兄弟捕刀裂眦志在立功俱逃就兄嗣徽密結南豫州刺史任約與僧辯故舊圖陳武帝帝遣江旰說之嗣徽執旰送鄴乞師焉齊文宣帝授爲儀同命將應赴及石頭敗退復請兵於齊與任約王暉席阜同心度江及戰敗嗣徽墮馬嗣宗援兄見害嗣產爲陳武軍所禽辭色不撓而死任約王暉得北歸

羊侃字祖忻泰山梁父人也父社北史有傳侃少而瓌偉

身長七尺八寸雅愛文史弱冠隨父在梁州立功初為尚書郎以力聞魏帝常謂曰郎官謂卿為虎豈羊質虎皮乎誠作虎狀侃因伏以手抉殿沒指魏帝壯之賜以珠劍正光中秦州羌莫折念生據州反仍遣其弟天生攻陷岐州寇雍州侃為偏將隸蕭寶夤討之射殺天生其眾即潰以功為征東大將軍東道行臺領秦山太守進爵鉅平侯初其父祉恒使侃南歸侃至是將舉濟河以成先志其從兄兗州刺史敷密知之據州拒侃侃乃率精兵三萬襲之不克仍築十餘城以守之梁朝賞授一與元法僧同魏帝聞之使授侃驃騎大將軍司徒泰山郡公長為兗州刺史侃斬其使魏人大駭令僕射于暉率眾十萬及高歡梁朱陽都等相繼而至柵中矢盡南軍不進乃夜潰圍而出一日一夜乃出魏境至渣口眾尚萬餘人馬二千匹將入南士卒竟夜悲歌侃乃謝曰卿等懷土幸適去留各拜辭而去侃以大通三年至建鄴授徐州刺史併其兄默及三弟忱給元皆拜刺史侃封高昌縣侯累遷太子左衛率侍中車駕幸樂游苑侃預宴時少府奏新造兩刃稍成長二丈四尺圍一尺三寸帝因賜侃河南國紫騮令試之侃執稍上馬左右擊刺特盡其妙觀者登樹帝曰此樹必為侍中折矣俄而果折因號此稍為折樹稍北人降者唯侃是衣冠餘

緒帝寵之踰於他者謂曰朕少時捉稍形勢似卿今失其舊體殊覺不奇上又製武宴詩三十韻示侃侃即席上應詔帝覽曰吾聞仁者有勇今見勇者有仁可謂鄒魯遺風英賢不絕是日詔入直殿省啓尙方仗不堪用上大怒坐者非一及侯景作逆果弊於仗麤後遷都官尙書尙書令何敬容用事與之並省未嘗游造左衛蘭欽同侍宮宴詞色少交侃於坐折之曰小子汝以銅鼓買朱异作父韋粲作兄何敢無宜適朱時在厩後華林法會欽拜謝於省中王銓謂欽曰卿能屈膝廉公彌見盡美然羊公意猶未釋容能更置一拜欽從之宦者張僧胤嘗候侃侃曰我牀非闍

人所坐竟不前之時論美其貞正太清元年為侍中曾大舉北侵以侃為冠軍將軍監作寒山堰事堰立侃勸元帥貞陽侯明乘水攻彭城不見納既而魏援大至侃頻言乘其遠來可擊旦日又勸出戰並不從侃乃率所領頓堰上及衆軍敗侃結陣徐還二年復為都官尙書侯景反坎陷歷陽帝問侃討景之策侃求以二千人急據採石令邵陵王襲取壽春使景進不得前退失巢窟烏合之衆自然瓦解議者謂景未敢便逼都遂寢其策令王質往侃曰今茲敗矣乃令侃率千餘騎頓望國門景至新林追侃入副宣城王都督城內諸軍事時景既卒至百姓競入公私混亂

無復次序侃乃區分防擬皆以宗室間之軍人爭入武庫  
自取器甲所司不能禁侃命斬數人方得止是時梁興四  
十七年境內無事公卿在位及閭里士大夫莫見兵甲賊  
至卒迫公私駭震時宿將已盡後進少年並出在外城中  
唯有侃及柳津韋黯津年老且疾黯懦而無謀軍旅指搗  
一決於侃膽力俱壯簡文深仗之及賊逼城衆皆兇懼侃  
偽稱得外射書云邵陵西昌侯已至近路衆乃少安賊攻  
東掖門縱火甚盛侃以水沃滅火射殺數人賊乃退加侍  
中軍師將軍有詔送金五千兩銀萬兩絹萬匹賜戰上侃  
辭不受部曲千餘人並私加賞賚賊為尖項木驢攻城矢

石所不能制侃作雉尾炬施鐵鏃以油灌之擲驢上焚之  
俄盡賊又東西起二土山以臨城城中震駭侃命為地道  
潛引其土山不能立賊又作登城樓高十餘丈欲臨射城  
中侃曰車高壘虛彼來必倒可卧而觀之及車動果倒衆  
皆服焉賊既頻攻不捷乃築長圍朱异張綰議出擊之帝  
以問侃侃曰不可賊多日攻城既不能下故立長圍欲引  
城中降者耳今擊之出人若少不足破賊若多則一旦失利  
門隘橋小必大致挫衄不從遂使千餘人出戰未及交鋒  
望風退走果以爭橋赴水死者大半初侃長子儻為景所  
獲執來城下示侃侃謂曰我傾宗報主猶恨不足豈復計

此一子幸早殺之數日復持來侃謂鶩曰久以汝為死猶  
在邪吾以身許國誓死行陣終不以爾而生進退因引弓  
射之賊以其忠義亦弗之害景遣儀同傅士哲呼侃與語  
曰侯王遠來問訊天子何為閉拒不時進納尚書國家大  
臣宜啓朝廷侃曰侯將軍奔亡之後歸命國家重鎮方城  
懸相任寄何所患苦忽致稱兵豈有人臣而至於此吾不  
能妄受浮說開門揖盜士哲曰在北之日久挹風歎願去  
戎服得一相見侃為免胄士哲瞻望久之而去其為北人  
所欽慕如此後大雨城內土山崩賊乘之垂入苦戰不能  
禁侃乃令多擲火為火城以斷其路徐於城內築城賊不  
能進尋以疾卒於城內贈侍中護軍將軍子球嗣侃少雄  
勇旅力絕人所用弓至二十石馬上用六石弓嘗於兗州  
堯廟蹋壁直上至五尋橫行得七跡泗橋有數石人長八  
尺大十圍侃執以相擊悉皆破碎性豪侈善音律自造采  
蓮棹歌兩曲甚有新致姬妾列侍窮極奢靡有彈箏人陸  
大喜著鹿角爪長七寸儻人張淨琬腰圍一尺六寸時人  
咸推能掌上儻又有孫荆玉能反腰帖地銜得席上玉簪  
敕賚歌人王娥兒東宮亦賚歌者屈偶之並妙盡竒曲一  
時無對初赴衡州於兩艦解起三間通梁水齋飾以珠玉  
加之錦繡盛設帷屏列女樂乘潮解纜臨波置酒綠塘傍

水觀者填咽大同中魏使陽斐與侃在北齊同學有詔命侃延斐同宴賓客三百餘人食器皆金玉雜寶奏三部女樂牽夕侍婢百餘人俱執金花燭侃不飲酒而好賓游終日獻酬同其醉醒性寬厚有器局嘗南還至連口置酒有客張孺才者醉於船中失火延燒七十餘艘所燔金帛不可勝數侃聞聊不挂意命酒不輟孺才歎懼自逃侃慰喻使還待之如舊第三子鷗字子鵬隨侃臺內城陷竄於陽平侯景以其妹為小妻呼還待之甚厚以為庫真都督及景敗鷗密圖之乃隨其東走景於松江戰敗惟餘三舸下海欲向蒙山會景晝寢鷗語海師此中何處有蒙山汝但聽我處分遂直向京口至胡豆洲景覺大驚問岸上云郭元建猶在廣陵景大喜將依之鷗拔刀叱海師使向京口鷗與王元禮謝荅仁弟葳蕤並景之昵也三人謂景曰我等為王百戰百勝自謂無敵卒至於此豈非天乎今就王乞頭以取富貴景欲透水鷗抽刀斫之景乃走入船中以小刀挾船鷗以稍入刺殺之景僕射索超世在別船葳蕤以景命召之斬于京口元帝以鷗為青州刺史封昌國縣侯又領東陽太守征陸納加散騎常侍除西晉州刺史破郭元建於東關遷東晉州刺史承聖三年西魏圍江陵鷗赴援不及從王僧愔征蕭勃於嶺表聞僧辯敗乃還為侯



瑱所破遇害年二十八

羊鴉仁字孝穆太山鉅平人也少驍勇仕郡為主簿普通中率兄弟自魏歸梁封廣晉侯征伐青齊間累有功績位至都督北司州刺史及侯景降詔鴉仁督土州刺史桓和之仁州刺史湛海珍等趨縣瓠應接景至仍為都督司豫二州刺史鎮縣瓠會侯景敗於渦陽魏軍漸逼鴉仁恐糧運不繼遂還北司上表陳謝帝大怒鴉仁鴉仁懼頓軍入淮上及侯景反鴉仁率所部入援太清二年景既背盟鴉仁乃與趙伯超及南康王會理共攻賊於東府城反為賊敗臺城陷景以為五兵尚書鴉仁常思奮發請所親曰吾

以凡流受寵朝廷竟無報效以荅重恩今若以此終沒有餘責因泣下見者傷焉三年出奔江西將赴江陵至東莞為故北徐州刺史荀伯道子畧所害臨死以報效不終因而泣下後鴉仁兄子海珍知之掘畧父伯祖及所生母合五喪各分其半骨共棺焚之半骨雜他骨作五袋盛之銘袋上曰荀畧祖父母某之骨鴉仁子亮侯景亂後移至吳州刺史隨王琳以名將子見禮甚隆為人多酒無賴酒醉為闍豎所殺

論曰王神念羊侃羊鴉仁等自北徂南感受寵任既而侃及鴉仁晚遇屯剝侃則臨危不撓鴉仁則守義以殖古人

所謂心同鐵石此之謂乎僧辯風格秀舉有文武奇才而  
逢茲酷濫幾致隕覆幸全首領卒樹奇功事人之道於斯  
為得及時鍾交喪地居元宰內有與主而外求君遂使尊  
卑易位親踈留序既同兒戲且類弈碁延敵開釁實基於  
此喪國傾宗為天下笑豈天將啓陳何斯人而斯謬也哀  
哉

列傳第五十三

南史六十三

列傳第五十四

南史六十四

江子一

胡僧祐

徐文盛

陰子春

杜勣

王琳

張彪

江子一字元亮濟陽考城人晉散騎常侍統之七世孫也  
父法成奉朝請子一少慷慨有大志家貧以孝聞苦侍養  
多闕因終身蔬食仕梁起家為王國侍郎奉朝請上書言  
事為當軸所排乃拜表求入北為客武帝異之又啓求  
觀書秘閣武帝許之有敕直華林省其姑夫左衛將軍朱

異權要當朝休下之日賓客輻湊不為物議所歸欲引  
子一為助子一未嘗造門其高潔如此為遂昌曲阿令皆  
著美績後為南津校尉弟子四歷尚書金部郎大同初遷  
右丞兄弟性並剛烈子四自右丞上封極言得失武帝甚  
善之詔曰屋漏在上知之在下其令尚書詳擇施於時政  
左戶郎沈炯少府丞顧瑛嘗奏事不允帝厲色呵責之子  
四乃趨前代炯等對對甚激切帝怒呼縛之子四乃據地  
不受帝怒亦歇乃釋之猶坐免職及侯景攻陷歷陽自橫  
江將度子一帥舟師千餘人於下流欲邀之其副黃桃生  
走子一乃退還南洲收餘眾步赴建鄴見於文德殿帝怒  
之具以事對且曰臣以身許國常恐不得盡死今日之事  
何所復惜不死闕前終死闕後耳及城被圍開承明門出  
戰子一及弟尚書左丞子四東宮直殿主帥子五並力戰  
直前賊坐甲不起子一引稍撞之賊縱突騎眾並縮子一  
刺其騎騎倒稍折賊解其肩時年六十二弟曰與兄俱出  
何面獨旋乃免胄赴敵子四稍洞曾死子五傷心還至壑  
一慟而絕賊義子一之勇歸之面如生詔贈子一給事黃  
門侍郎子四中書侍郎子五散騎侍郎侯景平元帝又追  
贈子一侍中謚義子子四黃門侍郎謚毅子子五中書侍  
郎謚烈子子一續黃圖及班固九品并辭賦文章數十篇

行於世

胡僧祐字願果南陽冠軍人也少勇決有武幹仕魏位銀青光祿大夫以大通三年避爾朱氏之難歸梁頻上封事武帝器之拜文德主帥歸使戍項城魏剋項城因入北中大通元年陳慶之送魏北海王元顥入洛陽僧祐又歸梁除南天水天門二郡太守有善政性好讀書愛緝綴然文辭鄙野多被譏謔而自謂實工衿伐彌甚晚事梁元帝侯景之亂西沮蠻反元帝令僧祐討之使盡誅其渠帥僧祐諫忤旨下獄大寶二年景圍玉僧辯於巴陵元帝乃引僧祐於獄拜爲假節武猛將軍封新市縣侯令援僧辯將發

泣下謂其妻曰汝可開朱白二門吾不捷則死吉則由朱白則由白也元帝聞而壯之前至赤沙亭會陸法和至乃與并軍大敗景將任約軍禽約送江陵侯景聞之遂遁後拜領軍將軍學自封植以所加鼓吹恒置齋中對之自娛人曰此是羽儀公名望隆重不宜若此答曰我性愛之恒須見耳或出游亦以自隨人士笑之承聖二年爲車騎將軍開府儀同三司及魏軍至以僧祐爲都督城東諸軍事俄中流矢卒城遂潰

徐文盛字道茂彭城人也家本魏將父慶之梁天監初自北歸南未至道卒文盛仍統其衆稍立功績大同末爲寧

南史列傳五十四  
州刺史州在僻遠群蠻劫竊相尋前後刺史莫能制文盛  
推心撫慰夷人感之風俗遂改太清二年聞國難乃召募  
得數萬人來赴元帝以爲秦州刺史加都督授以東討之  
略東下至武昌遇侯景將任約遂與相持元帝又命護軍  
將軍尹悅平東將軍杜幼安巴州刺史王徇等會之並受  
文盛節度大敗約於貝磯約退保西陽文盛進據蘆洲又  
與相持景聞之率大衆西上援約至西陽諸將咸曰景水軍  
輕進又甚飢疲擊之必大捷文盛不許文盛妻石氏先在  
建鄴於是景載以還之文盛深德景遂密通信使都無戰  
心衆咸賞怨杜幼安宋遙等乃率所領獨進大破景獲其  
舟船以歸會景密遣騎間道襲陷郢州軍中懼遂大潰文  
盛奔還荊州元帝仍以爲城北面大都督又聚斂賦汙甚  
多元帝大怒下令數其十罪除其官爵文盛私懷怨望帝  
聞之乃以下獄時任約被禽與文盛同禁文盛謂約曰何  
不早降令我至此約曰門外不見卿馬跡使我何處得降  
文盛無以荅遂死獄中

陰子春字幼文武威姑臧人也晉義熙末曾祖龍妻隨宋武  
帝南遷至南平因家焉從智伯與梁武帝鄰君少相善嘗  
入帝卧內見有異光成五色因握帝手曰公後必大貴非  
人臣也天下方亂安蒼生者在君子帝曰幸勿多言於

是情好轉密帝每有求如外府焉及帝踐祚官至梁秦二  
州刺史子春仕歷位胸山成主東莞太守時青州石鹿山  
臨海先有神廟刺史王神念以百姓祈禱棄費毀神影壞  
屋舍當坐棟上有一大蛇長丈餘殺夫打撲不禽得入海  
水爾夜子春夢見人通名語子春云有人見苦破壞宅舍  
既無所託欽君厚惠欲憩此境子春心密記之經二日而  
知之甚驚以為前所夢神凶辨性醋請召安置一處數日  
復夢一朱衣人相聞齋謝云得君厚惠當以一州相報子  
春心喜供事彌勤經月餘魏欲襲胸山間謀前知子春設  
伏摧破之詔授南青州刺史鎮胸山又遷都督梁秦二州  
刺史子春雖無佗才行臨人以廉察稱閭閻混雜而身服  
垢汙脚數年一洗言每洗則失財敗事云在梁州以洗足  
致梁州敗太清二年徵為左衛將軍遷侍中屬侯景亂元  
帝令子春隨王僧辯攻平邵陵王又與左衛將軍徐文盛  
東討景至貝磯與景遇子春力戰恒冠諸軍會郢州陷沒  
軍遂退卒於江陵子鏗

鏗字子堅博涉史傳尤善五言詩被當時所重為梁湘東  
王法曹行參軍初鏗嘗與賓友宴飲見行觴者因回酒炙  
以授之衆坐皆笑鏗曰吾儕終日酣酒而執爵者不知其  
味非人情也及侯景之亂鏗當為賊禽或救之獲免鏗問

之乃前所行觴者陳天嘉中為始興王中錄事參軍文帝  
嘗宴羣臣賦詩徐陵言之帝即日召鏗預宴使賦新成安  
樂宮鏗援筆便就帝甚歎賞之累遷晉陵太守負外散騎  
常侍頃之卒有文集三卷行於世

杜顛京兆杜陵人也其先自北歸南居於雍州之襄陽子  
孫因家焉父懷瑤少有志節梁天監中累有軍功後又立  
功南鄭位梁秦二州刺史大同初魏軍復圍南鄭懷瑤命  
第三子疑帥二百人與魏前鋒戰於光道寺溪矢中其目  
失馬敵人交稍將至疑斬其一騎而上馳以歸疑旅力絕  
人便馬善射一日中戰七八合所佩霜明朱弓四石餘力

班絲纏稍長二丈五同心敢死士百七十人每出殺傷數  
百人敵人憚之號為杜彪懷瑤卒於州謚曰桓侯疑位西  
荊州刺史時讖言獨梁之下有瞎天子元帝以疑其人也  
會疑改葬父祖帝敕圖墓者惡為之逾年而疑卒疑第  
也幼有志氣居鄉里以膽勇稱後為新興太守太清二年  
隨岳陽王來襲荊州元帝與顛兄岸舊密書邀之顛乃與  
岸弟幼安兄子龕等夜歸元帝以為武州刺史封枝江縣  
侯令隨領軍王僧辯東討侯景至巴陵景遁加侍中進爵  
為公仍隨僧辯追景至石頭景敗顛入據臺城景平加散  
騎常侍江州刺史是月齊將郭元建攻秦州刺史嚴超達

於秦郡王僧辯之崩赴援陳武帝亦自歐陽來會元建衆  
却崩因縱兵大破之元建遁時元帝執王琳於江陵琳長  
史陸納等於長沙反元帝徵崩與王僧辯討之及納等戰  
于車輪大敗之後納等降崩又與王僧辯西討平武陵王  
於破石旋鎮邁疾卒謚曰武崩兄弟九人兄嵩岑疑山及  
嶽岸及弟從幼安並知名

岸字公衡太清中與崩隨岳陽王詵攻荊州同歸元帝帝  
以爲北梁州刺史封江陵縣侯岸請以五百騎襲襄陽  
六城三十里城中覺之詵夜知其師掩襄陽以岸等襄陽  
豪帥於是夜遁歸襄陽岸等知詵至遂奔其兄南陽太守  
嶽於廣平詵遣將尹正薛暉等攻拔之獲嶽岸等并其母  
妻子女並斬於襄陽北門詵母龔保林數岸於衆岸曰老  
婢教汝兒殺汝叔乃枉殺忠良詵命拔其舌鬻殺而烹之  
盡誅諸社宗族親者幼弱下蠶室又發其墳墓燒其骸骨  
灰而揚之并以爲漆髒及建鄴平崩兄弟發安寧陵焚之  
以報漆髒之酷元帝亦不責也

幼安性至孝寬厚雄勇過人與兄崩同歸元帝帝以爲西  
荊州刺史封華容縣侯與王僧辯討河東王譽於長沙平  
之又令助徐元盛東討侯景至貝磯大破景將任約斬其  
儀同叱羅子通湘州刺史趙威方等仍進軍大舉漢口別



攻拔武昌景度蘆洲上流以壓文盛幼安與衆軍大敗之  
會景密遣騎襲陷郢州執刺史方諸人情大駭文盛由漢  
口遁歸衆軍大敗幼安降景景以其多反覆殺之

龕岑之子也少驍勇善用兵與諸父歸元帝帝以爲郢州  
刺史封中盧縣侯與王僧辯討平河東王譽又隨僧辯下  
繼徐文盛軍至巴陵聞侯景陷郢州西上將至乃與僧辯  
等守巴陵景至圍之數旬不剋而遁遷太府卿定州刺史  
及衆軍至姑孰景將侯子鑒逆戰龕與陳武帝王琳等擊  
之大敗子鑒遂至石頭景親會戰龕與衆軍大破之論功  
爲殿授東揚州刺史又與王僧辯降陸約平武陵王叔魏平

江陵後齊納貞陽侯明以紹梁嗣以龕爲震州刺史王與  
太守遷南豫州刺史封溧陽縣侯又加散騎常侍鎮南大  
將軍龕僧辯皆也始爲吳興太守以陳武帝旣非素貴及  
爲之本郡以法繩其宗門無所縱捨武帝銜之切齒及僧  
辯敗龕乃據吳興以拒之頻敗陳文帝軍龕好飲酒終日  
恒醉勇而無略部將杜泰私通於文帝說龕降文帝龕然  
之其妻王氏曰霸先讎隙如此何可求和因出私財賞募  
復大敗文帝軍後杜泰降文帝龕尚醉不覺文帝遣人負  
出項王寺前斬之王氏因截髮出家杜氏一門覆矣  
王琳字子珩會稽山陰人也本兵家元帝居藩琳姊妹並

入後庭見幸琳由此未弱冠得在左右少好武遂為將帥  
大清二年帝遣琳獻米萬石未至都城陷乃中江沈米輕  
舸還荆稍遷岳陽內史以軍功封建寧縣侯侯景遣將宋  
子仙據郢州琳攻剋之禽子仙又隨王僧辯破景後拜湘  
州刺史琳果勁絕人又能傾身下士所得賞物不以入家  
麾下萬人多是江淮羣盜平景之勲與杜龕俱為第一恃  
寵縱暴於建鄴王僧辯禁之不可懼將為亂啓請誅之琳  
亦疑禍令長史陸納率部曲前赴湘州身徑上江陵陳謝  
將行謂納等曰吾若不反子將安之咸曰請死相泣而別  
至帝以下吏而使廷尉卿黃羅漢大舟卿張載宣喻琳  
及陸納等及軍人並哭對使者莫肯受命乃繫黃羅漢殺  
張載載性刻為帝所信荆州疾之如讎故納等因人之欲  
抽其腸繫馬腳使繞而走腸盡氣絕又齧割被五刑而斬  
之元帝遣王僧辯討納納等敗走長沙是時湘州未平武  
陵王兵下又甚盛江陵公私恐懼人有異圖納啓申琳無  
罪請復本位求為奴婢元帝乃鎖琳送時納出兵方戰會  
琳至僧辯升諸樓車以示之納等投戈俱拜舉軍皆哭曰  
乞王郎入城即出及放琳入納等乃降湘州平仍復琳本  
位使拒武陵王紀紀平授衡州刺史元帝性多忌以琳所  
部甚盛又得衆心故出之嶺外又授都督廣州刺史其友

人主書李膺帝所任遇琳告之曰琳蒙拔擢常欲畢命以報國恩今天下未平遷琳嶺外如有萬一不虞安得琳力忖官正疑琳耳琳分望有限可得與官爭為帝乎何不以琳為雍州刺史使鎮武寧琳自放兵作田為國禦捍若警急動靜相知孰若遠棄嶺南相去萬里一日有變新欲如何琳非願長坐荆南政以國計如此耳膺然其言而不敢啓故遂率其衆鎮嶺南元帝為魏圍逼乃徵琳赴援除湘州刺史琳師次長沙知魏平江陵已立梁王詔乃為元帝舉哀三軍縞素遣別將侯平率舟師攻梁琳屯兵長沙傳檄諸將為進趣之計時長沙蕃王蕭韶及上將諸將推琳主

侯平雖不能度江頻破梁軍又以琳兵威不接翻更不受指麾琳遣將討之不剋又師老兵疲不能進乃遣使奉表詣齊并獻馴象又使獻款于魏求其妻子亦稱臣于梁陳武帝既殺王僧辯推立敬帝以侍中司空徵琳不從命乃大營樓艦將圖義舉琳將張平宅乘一艦每將戰勝艦則有聲如野猪故琳戰艦以千數以野猪為名陳武帝遣將侯安都周文育等討琳仍受梁禪安都歎曰我其敗乎師無名矣逆戰於沌口琳乘平輿執鉞而麾之禽安都文育其餘無所漏唯以周鐵武一人背恩斬之鎖安都文育置琳所坐艦中令一闔豎監守之琳乃移湘州軍府就郢

城帶甲十萬練兵於白水浦琳巡軍而言曰可以為勤王之師矣温太真何人哉南江渠帥熊曇朗周迪懷貳琳遣李孝欽樊猛與余孝頃同討之三將軍敗並為迪所囚安都文育等盡逃還建鄴初魏剋江陵之時永嘉王莊年甫七歲逃匿人家後琳迎還湘中衛送東下及敬帝立出質于齊請納莊為梁主齊文宣遣兵接送仍遣兼中書令李騫除冊拜琳為梁丞相都督中外諸軍錄尚書事又遣中書舍人辛慤游說之等齊爾璽書江表宣勞自琳以下皆有頒賜琳乃遣兄子叔寶率所部十州刺史子弟赴鄴奉莊奠祭祚於郢州莊授琳侍中使持節大將軍中書監改封

陳郡公其餘並依齊朝前命及陳文帝立琳乃補莊次子濡瀆口齊遣揚州道行臺慕容儼率眾臨江為其聲援陳遣安州刺史吳明徹江中夜上將襲益城琳遣巴陵太守任忠大敗之明徹僅以身免琳兵因東下陳遣太尉侯瑱司空侯安都等拒之瑱等以琳軍方盛引軍入蕪湖避之時西南風至急琳謂得天道將直取揚州侯瑱等徐出蕪湖躡其後比及兵交西南風翻為瑱用琳兵放火燧以擲瑱船者皆反燒其船琳船艦潰亂兵士投水死者十二三其餘皆棄船上岸為陳軍所殺殆盡初琳命左長史袁泌御史中丞劉仲威同典兵侍衛莊及軍敗泌遂降陳仲

威以莊投歷陽又送壽陽琳尋與莊同入齊齊孝昭帝遣  
琳出合肥鳩集義故更圖進取琳乃繕艦分遣招募淮南  
僞楚皆願戮力陳合州刺史裴景暉琳兄珉之壻也請以  
私屬導引齊師孝昭委琳與行臺左丞盧潛率兵應赴沈  
吟不決景暉懼事泄挺身歸齊孝昭賜琳璽書令鎮壽  
陽其部下將帥悉聽以從乃除琳驃騎大將軍開府儀同  
三司揚州刺史封會稽郡公又增兵秩兼給鏡吹琳水陸  
戒嚴將觀釁而動屬陳氏結好於齊使琳更聽後圖琳在  
壽陽與行臺尚書盧潛不協更相是非被召還鄴齊武成  
帝而不問除滄州刺史後以琳為特進侍中所居屋脊無  
故剝破出赤蛆數升汁落地化為血蠕動有龍出於門外  
之池雲霧起晝晦會陳將吳明徹寇齊齊帝敕領軍將軍  
尉破胡等出援秦州令琳共為經略琳謂所親曰今太歲  
在東南歲星居牛斗分太白已高皆利為客我將有喪又  
謂破胡曰吳兵甚銳宜長策制之慎勿輕鬪破胡不從戰  
軍大敗琳單馬突圍僅而獲免還至彭城齊令便赴壽陽  
并許召募又進封琳巴陵郡王陳將吳明徹進兵圍之堰  
肥水灌城而齊將皮景和等屯於淮西竟不赴救明徹晝  
夜攻擊城內水氣轉侵人皆患腫死病相枕從七月至十  
月城陷被執百姓泣而從之吳明徹恐其為變殺之城東北

二十里時年四十八哭者聲如雷有一叟以酒脯來至號  
酹盡哀收其血懷之而去傳首建康懸之於市琳故吏梁  
驃騎府倉曹參軍朱瑒致書陳尚書僕射徐陵求琳首曰  
竊以朝市遷貿時傳骨鯁之風歷運推移間表忠貞之迹  
故典午將滅徐廣為晉家遺老當塗已謝馬字稱魏室忠  
臣用能播美於前書垂名於後世梁故建寧公琳洛濱餘  
膏沂川舊族立功代邸効績中朝當離亂之辰總藩伯  
之任爾乃輕躬殉主以身許國寔追蹤於往彥信踵武於  
前脩而天厭梁德尚思匡繼徒蘊包胥之念終邁萇弘之  
誓洎王業光啓鼎祚有歸於是遠跡山東寄命河井雖輕  
旅臣之歎猶懷客卿之禮感茲知己忘此捐軀至使身沒  
九泉頭行萬里誠復馬革裹屍遂其生平之志原野暴骸  
會彼人臣之節然身首異處有足悲者封樹靡卜良可愴  
焉瑒早造末僚預參下席降薛君之吐握荷魏公之知遇  
是用霑巾雨袂痛可識之顏回腸疾首切猶生之面伏惟  
聖恩博厚明詔爰發赦王經之哭許田橫之葬瑒雖芻賤  
竊亦有心琳經莅壽陽頗存遺愛曾游江右非無舊德比  
肩東閣之吏繼踵西園之賓願歸彼境還脩窀穸庶孤墳  
旣築或飛銜土之鷲豐碑式樹時留墮淚之人近故舊王  
綰等已有論牒仰蒙制議不遂所陳昔廉公告逝即肥川

而建營域叔孫云亡仍芍陂而植楸櫟由此言之抑有其  
例不使壽春城下唯傳報葛之人滄洲島上獨有悲田之  
客昧死陳祈伏待刑憲陵嘉其志節又明徹亦數夢琳求  
首並為啓陳主而許之仍與開府主簿劉韶慧等持其首  
還于淮南權瘞八公山側義故會葬者數千人瑒等乃聞  
道北歸別議迎接尋有揚州人茅智勝等五人密送喪柩  
達于鄴贈十五州諸軍事揚州刺史侍中特進開府錄尚  
書事諡曰忠武王葬給輜輶車琳體貌閑雅立髮委地喜  
怒不於色雖無學業而強記內敏軍府佐中八千數皆識  
其姓名刑罰不濫輕財愛士得將卒之心少為將帥屢經

喪亂雅有忠義之節雖木圖不遂齊人亦以此重之待遇  
甚厚及敗為陳軍所執吳明徹欲全之而其下將領多琳  
故吏爭來致請并相資給明徹由此忌之故及於難當時  
田夫野老知與不知莫不為之歔歔流泣觀其誠信感物  
雖李將軍之恂恂善誘殆無以加焉琳十七子長子敬在  
齊襲王爵武平末通直常侍第九子衍隋開皇中開府儀  
同三司大業初卒於渝州刺史

張彪不知何許人自云家本襄陽或云左衛將軍衡州刺  
史蘭欽外弟也少亡命在若邪山為盜頗有部曲臨城公  
大連出牧東揚州彪率所領客馬始為防閑後為中兵參

軍禮遇甚厚及侯景將宋子仙攻下東揚州復為子仙所知後去子仙還入若邪義舉征子仙不捷仍走向剡趙伯超兄子稜為侯景山陰令去職從彪後懷異心偽就彪計請酒為盟引刀子披心出血自歎彪信之亦取刀刺血報之刀始至心稜便以手案之望入彪心刀斜傷得不深稜重取刀刺彪頭面被傷頓絕稜謂已死因出外告彪諸將言已殺訖欲與求富貴彪左右韓武入視彪已蘇細聲謂曰我尚活可與手於是武遂誅稜彪不死復奉表元帝帝甚嘉之及侯景平王僧辯遇之甚厚引為瓜牙與杜龕相似世謂之張杜貞陽侯踐位為東揚州刺史并給鼓吹室

富於財晝夜樂聲不息刻令王懷之不從彪自征之留長史謝歧居守會僧辯見害彪不自展拔時陳文帝已據震澤將及會稽彪乃遣沈泰吳寶真還州助歧保城彪後至泰等反與歧迎陳文帝入城彪因其未定踰城而入陳文帝遂走出彪復城守沈泰說陳文帝曰彪部曲家口並在香巖寺可往收取遂往盡獲之彪將申進密與泰相知因又叛彪復敗走不敢還城據城之西山樓子及暗得與弟崑崙妻楊氏去猶左右數人追隨彪疑之皆發遣唯常所養一犬名黃蒼在彪前後未曾捨離乃還入若邪山中沈泰說陳文帝遣章昭達領千兵重購之并圖其妻彪眠



未覺黃蒼驚吠劫來便嚙一人中喉即死彪拔刀逐之映  
火識之曰何忍舉惡卿須我者但可取頭誓不生見陳舊  
劫曰官不肯去請就平地彪知不免謂妻楊呼為鄉里曰  
我不忍令鄉里落佗處今當先殺鄉里然後就死楊引頸  
受刀曾不辭憚彪不下刀便相隨下嶺到平處謂劫曰卿  
須我頭我身不去也呼妻與訣曰生死從此而別若見沈  
泰申進等為語曰功名未立猶望鬼道相逢劫不能生得  
遂殺彪并弟致二首於昭達黃蒼號叫彪屍側宛轉血中  
若有哀狀昭達進軍迎彪妻便拜稱陳文帝教迎為家主  
楊便改啼為笑欣然意悅請昭達續彪喪壻家既畢黃蒼  
又俯伏冢間號叫不肯離楊還經彪宅謂昭達曰婦人本  
在容貌辛苦日久請暫過宅莊飾昭達許之楊入屋便以  
刀割髮毀面哀哭慟絕誓不更行陳文帝聞之歎息不已  
遂許為尼後陳武帝軍人求取之楊投井決命時寒比出  
之垂死積火温燎乃蘇復起投於火彪始起於若邪興於  
若邪終於若邪及妻大皆為時所重異楊氏天水人散騎  
常侍暉之女也有容貌先為河東裴仁林妻因亂為彪所  
納彪友人吳中陸山才嗟泰等翻背刊吳昌門為詩一絕  
曰田橫感義士韓王報主臣若為留意氣持寄禹川人  
論曰忠義之道安有常哉善言者不必能行蹈之者恒在

所忽江子一胡僧祐太清之季名臣蓋微江則自致亡軀  
胡亦期之殞命然則貞勁之節歲寒自有性也文盛克終  
有鮮詩人得所誠焉子春戰乃牛鳴幽通有助及乎梁州  
之敗而以濯足為尤杜氏終致覆亡亦云圖墓之咎吉凶  
之兆二者豈易知乎王琳亂朝忠節志雪仇恥然天方相  
陳義難弘濟斯則大厦落構豈一不所能支也張彪一遇  
何懷死而後已唯妻及大義悉感人記傳所陳何以加此  
異乎

列傳第五十四

南史六十四

列傳第五十五

南史六十五

陳宗室諸王

李

延壽

永脩侯擬

遂興侯詳

宣黃侯慧紀

衡陽獻王昌 子伯信

南康愍王曇朗

子方素 方慶

文帝諸子

宣帝諸子

後主諸子

永脩侯擬字公正陳武帝之疎屬也少孤貧質直強記武  
帝南征交趾擬從焉梁紹泰二年除員外散騎常侍明威  
將軍以雍州刺史資監南徐州事武帝踐祚廣封宗室詔

從子監南徐州擬封永脩縣侯北徐州刺史襄封鍾陵縣侯晃封建城縣侯炅封上饒縣侯從孫明威將軍諡封虔化縣侯吉陽縣侯誼仍前封信威將軍祔封豫寧縣侯青州刺史詳封遂興縣侯貞威將軍慧紀封宜黃縣侯敬雅封寧都縣侯敬泰封平固縣侯文帝嗣位擬除丹楊尹坐事以白衣知郡尋復本職今謚曰定天嘉二年配享武帝廟庭子黨嗣

遂興侯詳字文幾少出家為沙門善書記談論清雅武帝討侯景召令還俗配以兵馬從定建鄴永定二年封遂興縣侯天嘉三年累遷吳州刺史五年討周迪戰敗死之以所統失律無贈謚子正理嗣

宜黃侯慧紀字元方武帝之從孫也涉獵書史負材任氣從武帝平侯景及帝踐祚封宜黃縣侯除黃門侍郎太建十年吳明徹北侵敗績以慧紀為緣江都督兗州刺史至德二年為都督荊州刺史及梁安平王蕭巖晉熙王蕭瓛等詣慧紀請降慧紀以兵迎之以應接功位開府儀同三司禎明三年隋師濟江慧紀率將士三萬人船艦千餘乘沿江而下欲趣臺城遣南康太守呂肅將兵據巫峽以五條鐵鎖橫江肅竭其私財以充軍用隋將楊素奮兵擊之四十餘戰爭馬鞞山及磨刀澗守險隋軍死者五千餘人

陳人盡取其鼻以求功賞既而隋軍屢捷獲陳之士三縱之肅乃遁保延洲別帥廖世龍領大舫詐降欲燒隋艦更決死一戰於是五黃龍備衆色各長十餘丈驥首連接順流而東風浪大起雲霧晦冥陳人震駭不覺火自焚隋軍乘高艦張大弩以射之陳軍大敗風浪應時頓息肅收餘衆東走慧紀時至漢口為隋秦王俊拒不得進聞肅敗盡燒公安之儲偽引兵東下因推湘州刺史晉熙王叔文為盟主水軍都督周羅暉與郢州刺史荀法尚守江夏及建鄴平隋晉王廣遣一使以慧紀子正業來喻又使撻殺俞羅暉其上流城戍悉解甲於是慧紀及巴州刺史畢寶並慟哭俱降慧紀入隋依例授儀同三司卒子正平頗有

### 文學

衡陽獻王昌字敬業武帝第六子也梁太清末武帝南征李賁命昌與宣后隨沈恪還吳興及武帝東討侯景昌與宣后文帝並為景囚景平拜長城國世子吳興太守時年十六昌容貌偉麗神情秀朗雅性聰辯明習政事武帝遣陳郡謝朓濟陽蔡景歷輔昌臨郡又遣吳郡杜之偉授昌以經昌讀書一覽便誦明於義理剖析如流尋與宣帝俱往荊州魏劼荊州又與宣帝俱遷長安武帝即位頻遣使請宣帝及昌周人許而未遣及武帝崩乃遣之時王琳作

梗中流昌不得還居于安陸王琚平後天嘉元年二月昌發自安陸由魯山濟江而巴陵王蕭沈等率百僚上表請以昌為湘州牧封衡陽郡王詔曰可三月甲戌入境詔令主書舍人緣道迎接丙子濟江於中流頒之使以溺告四月庚寅喪柩至都上親臨哭乃下詔贈假黃鉞都督中外諸軍事太宰揚州牧葬送之儀一依漢東平宣王齊豫章文獻王故事謚曰獻無子文帝以第七皇子伯信嗣伯信字孚之位西衡州刺史及隋師濟江與臨汝侯方慶並為東衡州刺史王勇所害

南康王曇朗武帝母弟忠壯之休先之子也休先少儻有太志梁簡文之在東宮深被知遇為文德主帥頃之卒敬帝即位追贈南徐州刺史封武康縣公武帝受禪贈司徒封南康郡王謚曰忠壯曇朗少孤尤為武帝所愛有膽力善綏御侯景平後起家著作郎武帝誅王僧辯留曇朗鎮京口知留府事紹泰元年除中書侍郎監南徐州二年齊兵攻逼建鄴因請和求武帝子姪為質時四方州郡並多未賓本根虛弱糧運不繼在朝文武咸願與齊和親武帝難之而重違眾議乃決遣曇朗恐曇朗懼行或當奔竄乃自率步騎京口迎之使質於齊齊皆約遣蕭軌等隨徐嗣徽度江武帝大破之虜蕭軌東方老等誅之齊人亦

害曇朗于晉陽時陳與齊絕弗之知武帝踐祚猶以曇朗襲封南康郡王奉忠壯王祀禮秩一同皇子天嘉二年齊又結好始知其亡文帝詔贈開府儀同三司南徐州刺史謚曰愍乃遣兼中郎令隨聘使江德藻迎曇朗喪柩三年春至都初曇朗未質於齊生子方泰方慶及將適齊以二妾自隨在北又生二子方華方曠亦同得還方泰少麤獷與諸惡少年羣聚游逸無度文帝以南康王故特寬宥之天嘉二年以為南康王世子及聞曇朗薨於是襲爵南康王太建四年為都督廣州刺史為政殘暴為有司奏免六年授豫章內史在郡不脩政事秩滿之際屢放部曲為劫

又縱火延燒邑居因行暴掠驅錄富人徵求財賄代至又淹留不還至都以為宗正卿未拜為御史中丞宗元饒所劾免官以玉還第十一年起為寧遠將軍直殿省尋加散騎常侍其年八月宣帝幸大壯觀因大閱武命都督任忠領步騎十萬陣於玄武湖都督陳景領樓艦五百出於瓜步江上登玄武門觀宴羣臣以觀之因幸樂游苑設絲竹會仍重幸大壯觀集眾軍振旅而還時方泰當從啓稱所生母疾不行因與亡命楊鍾期等二十人微行往人間淫淳于岑妻為州長流所錄又率人仗抗拒傷損禁司為有司所奏上大怒下方泰獄方泰初承行淫不承拒格禁司

上曰不承則叵測方泰乃投列承引於是兼御史中丞徐君敷奏請解方泰所居官下宗正前爵土上可其奏禎明初爲侍中陳亡與後主俱入長安隋大業中爲掖縣令方慶少清警言涉獵書傳及長有幹略天嘉中封臨汝縣侯至德二年累遷智武將軍武州刺史初廣州刺史馬靖久居嶺表大得人心士馬強盛朝廷疑之以方慶爲廣州刺史以兵龍襲靖誅進號宣毅將軍方慶性清謹甚得人和禎明三年隋師濟江都督東衡州刺史王勇徵兵於方慶欲與赴援室城時隋行軍總管韋洸帥兵度嶺宣隋文帝敕云若嶺南平定留勇與豐州刺史鄭萬頃直依舊職方慶聞之恐勇賣已且欲叛變乃不從勇使高州刺史戴智烈斬方慶於廣州而收兵鄭萬頃梁陽人梁司州刺史紹叔之始族子也父旻梁末入魏萬頃通達有材幹周武帝時爲司城大夫出爲溫州刺史至德中與司馬消難奔陳拜散騎常侍昭武將軍豐州刺史在州甚有惠政吏人表請立碑詔許焉初萬頃在周甚被隋文帝知遇及隋文帝踐祚常思還北及王勇殺方慶萬頃乃率州兵拒勇降隋隋授上儀同尋卒

文帝十三男沈皇后生煬帝始興王伯茂嚴淑媛生鄱陽王伯山晉安王伯恭潘容華生新安王伯固劉昭華生衡

陽王伯信王充華生廬陵王伯仁張脩容生江夏王伯義  
韓脩華生武陵王伯禮江貴妃生永陽王伯智孔貴妃生  
桂陽王伯謀二男早卒無名伯信出繼衡陽王昌

始興王伯茂字鬱之文帝第二子也初武帝兄始興昭烈  
王道談仕梁為東宮首閣將軍侯景之亂援臺中流矢卒  
紹泰二年贈南充州刺史封義興郡公謚曰昭烈武帝受  
禪重贈太傅改封始興郡王道談生文帝及宣帝宣帝以  
梁承聖末遷於長安至是武帝遥以宣帝襲封始興嗣王  
以奉昭烈王祀武帝崩文帝入纂帝位時宣帝在周未還  
文帝以本宗之饗徙封宣帝為安成王封伯茂為始興王

以奉昭烈王祀賜天下為公後者爵一級舊制諸王受封  
未加戎號者不置佐使於旱尚書八坐奏加伯茂寧遠將  
軍置佐使除揚州刺史伯茂性聰敏好學謙恭下士又以  
太子母弟文帝深愛重之駐軍人於丹徒盜發晉郗曇墓  
大獲晉右將軍王羲之書及諸名賢遺跡事覺其書並沒  
縣官藏于秘府文帝以伯茂好古多以賜之由是伯茂大  
工草隸書甚得右軍法遷東揚州刺史鎮東將軍開府儀  
同三司廢帝時伯茂在都劉師知等矯詔出宣帝伯茂勸  
成之師知等誅後宣帝恐伯茂扇動朝廷乃進號中衛將  
軍令入居禁中專與廢帝游處時四海之望咸歸宣帝伯



茂深不平數肆惡言宣帝以其無能不以為意及建安人  
蔣裕與韓子高等謀反伯茂並陰豫其事光大二年皇太  
后令黜廢帝為臨海王其日又下令降伯茂為溫麻侯時  
六門之外有別館以為諸王冠昏之所名為昏第至是命  
伯茂出居之宣帝遣盜殞之於車中年十八

鄱陽王伯山字靜之文帝第三子也偉容儀舉止閑雅喜  
愠不形於色武帝時天下草創諸王受封儀注多闕及伯  
山受封文帝欲重其事天嘉元年七月丙辰尚書八坐奏  
封鄱陽郡王乃遣度支尚書蕭睿持節兼太宰告于太廟  
又遣五兵尚書王質持節兼太宰告于太社其年十月上

臨軒策命策訖令王公以下並宴於王第六年為綠江都  
督平北將軍南徐州刺史宣帝輔政不欲令伯山處邊光  
大元年徙為東揚州刺史累遷征南將軍護軍將軍加開  
府儀同三司給鼓吹并扶伯山性寬厚美風儀又於諸王  
最長後主深敬重之每朝庭有冠昏饗宴恒使為主及遭  
所生憂居喪以孝聞後主嘗幸吏部尚書蔡徵宅因往弔  
之伯山號慟殆絕因起為鎮衛將軍乃謂羣臣曰鄱陽王  
至性可嘉又是西第之長豫章已弟司空其亦須遷太尉  
未及發詔禎明三年薨尋屬陳亡遂無贈謚長子君範未  
襲爵而隋師至時宗室王侯在都者百餘人後主恐其為

變乃並召入屯朝堂使豫章王叔英總督之又陰爲之備  
六軍敗績相率出降因從後主入長安隋文帝並配隴右  
及河西諸州各給田業以處之大業二年隋煬帝以後主  
第六女嫺爲貴人絕愛幸因召陳氏子弟盡還京師隨才  
叙用由是並爲守宰徧於天下君範位温縣令

新安王伯固字牢之文帝第五子也生而龜背目通睛揚  
白形狀眇小而俊辯善言論天嘉六年立爲新安郡王太  
建七年累遷都督南徐州刺史伯固性嗜酒不好積聚所  
得祿奉用度無節酣醉以後多所乞巧於諸王中最爲貧  
窶宣帝每矜之特加賞賜性輕率好行鞭捶在州不知政

事日出田獵或乘輿與至於草間輒呼人從游動至旬日  
所捕麀鹿多使生致宣帝頗知之遣使責讓者數矣十年  
爲國子祭酒頗知玄理而惰業無所通至於摘句問難往  
往有奇意爲政嚴苛國學有惰游不脩習者重加禡楚生  
徒懼焉由是學業頗進十三年爲都督揚州刺史後主初  
在東宮與伯固甚親狎伯固又善譎詐宣帝每宴集多引  
之叔陵在江州心害其寵陰求瑕疵將中以法及叔陵入  
朝伯固懼罪諂求其意乃共訕毀朝賢歷詆文武雖老  
高位皆面折無所畏忌伯固性好射雉叔陵又好開發冢  
墓出游田野必與偕行於是情好大協遂謀不軌伯固侍

禁中每有密語必報叔陵及叔陵奔東府遣使告之伯固  
軍馬馳道助叔陵指麾知事不捷便欲走會四門已閉不  
得出因趨白楊道臺馬容至為亂兵所殺尸於昌館門時  
年二十八詔特許以庶人禮葬于及所生王氏並特宥為  
庶人國除

晉安王伯恭字肅之文帝第六子天嘉六年封尋為吳郡  
太守時年十餘歲便留心政事官曹緝理歷位尚書左僕  
射後為中衛將軍右光祿大夫陳亡入長安大業初為成  
州刺史太常少卿

廬陵王伯仁字壽之文帝第八子天嘉六年立為侍中

子祭酒領太子左庶子陳亡卒于長安

江夏王伯義字堅之文帝第九子天嘉六年封位金紫光  
祿大夫陳亡入長安遷於瓜州道卒

武陵王伯禮字用之文帝第十子天嘉六年立太建初為  
吳興太守在郡恣行暴掠後為有司所劾十一年被代徵  
還遂遷延不發為御史中丞徐君整所劾免陳亡入長安  
大業中為臨洮太守

永陽王伯智字策之文帝第十二子少敦厚有器局博涉  
經史太建中立累遷尚書左僕射後為特進陳亡入長安  
大業中為國子司業

桂陽王伯謀字深之文帝第十三子太建中立位散騎常侍薨子鄴大業中爲番禾令

宣帝四十二男柳皇后生後主彭貴人生始興王叔陵曹淑華生豫章王淑英何淑儀生長沙王叔堅宜都王叔明魏昭華生建安王叔鄉錢貴妃生河東王叔獻劉昭儀生新蔡王叔齊袁昭容生晉熙王叔文義陽王叔達新會王叔坦王姬生淮南王叔彪巴山王叔雄吳姬生始興王叔重徐姬生尋陽王叔儼淳于姬生岳陽王叔慎王脩華生武昌王叔虞韋脩容生湘東王叔平施姬生臨賀王叔敷沅陵王叔興魯姬生陽山王叔宣楊姬生西陽王叔穆申

婕妤生海陵王叔儉南郡王叔澄岢嵐山王叔韶太原王叔匡表姬生新興王叔純吳姬生巴東王叔謨劉姬生臨海王叔顯秦姬生新寧王叔隆新昌王叔榮其皇子叔叡叔忠叔泓叔毅叔訓叔武叔處叔封八人並未及封三子早卒無名

始興王叔陵字子嵩宣帝之第二子也梁承聖中生於江陵魏剋江陵宣帝遷關右叔陵留穰城宣帝之還以後主及叔陵爲質天嘉三年隨後主還朝封康樂縣侯叔陵少機辯狗聲名強梁無所推屈太建元年封始興王奉昭烈王祀位都督江州刺史時年十六政自己出僚佐莫預焉

性嚴刻部下懾憚諸公子姪及罷縣令長皆逼令事己豫  
章內史錢法成詣府進謁即配其子季卿將領馬仗季卿  
慙耻不時至叔陵大怒侵辱法成法成憤怨自縊而死州  
縣非其部內亦徵攝案之朝貴及下吏有乖忤者輒誣奏  
其罪陷以重辟四年遷都督湘州刺史諸州鎮聞其至皆  
震恐股慄叔陵日益橫征伐夷獠所得皆入己絲毫不以  
賞賜徵求役使無有紀極夜常不卧執燭達曉呼召賓客  
說人間細事戲謔無所不爲性不飲酒唯多置餚餼晝夜  
食敢而已自旦至中方始寢寐曹局文案非呼不得輒白  
罪者皆繫獄動數年不省視瀟湘以南皆通爲左右廩

里殆無遺者其中脫有逃竄輒殺其妻子州縣無敢上言  
宣帝弗之知九年除都督揚州刺史十年至都加扶給油  
幢車叔陵居東府事務多關涉省閣執事之司承意順旨  
即諷上進用之微致違忤必抵大罪重者至殊死道路藉  
藉皆言其有非常志叔陵脩飾虛名每入朝常於車中馬  
上執卷讀書高聲長誦陽陽自若歸坐齋中或自執斧斤  
爲沐猴百戲又好游冢墓間遇有坐表主名可知者輒命  
左右發掘取其石誌古器并骸骨肘脛持爲翫弄藏之府  
庫人間少妻處女微有色貌者並即逼納十一年丁所生  
毋彭氏憂去職頃之起爲本職晉世王公貴人多葬梅嶺

及彭氏卒叔陵啓求梅嶺葬之乃發故太傅謝安舊墓棄去安柩以葬其母初喪日偽爲哀毀自稱刺血寫涅槃經未及十旬乃日進甘膳又私召左右妻女與之姦合所作尤不軌浸淫上聞宣帝責御史中丞王政以不舉奏免政官又黜其典籤親事仍加鞭撻宣帝素愛叔陵不繩以法但責讓而已服闋又爲侍中中軍大將軍及宣帝不豫後主諸王並入侍疾叔陵陰有異志命典藥吏礪切藥刀及倉卒之際又命左右取劍左右不悟乃取朝服所佩木劍以進叔陵怒及翌日小歛後主哀頓俯伏叔陵以剗藥刀斫後主中項太后馳來救焉叔陵又斫太后數下後主乳媪樂安君吳氏時在太后側自後掣肘後主因得起叔陵仍持後主衣後主自奮得免長沙王叔堅以手搯叔陵奪去其刀仍牽就柱以其褶袖縛之棄池水中將殺之間後主曰即盡之爲待也時吳媪已扶後主避賊叔堅求後主所在將受命叔陵多力因奮得脫突出雲龍門馳車還東府呼其甲士斷青溪橋道放東城囚以充戰士又遣人往新林追所部兵馬仍自被甲著白帽登城西門招募百姓散金銀以賞賜外召諸王將帥無有應者唯新安王伯固聞而赴之叔陵聚兵僅得千人欲據城保守時衆軍並緣江防守臺內空虛叔堅白太后使太子舍人司馬申急召

右衛將軍蕭摩訶將兵至府西門叔陵事急遣記室韋諒  
送鼓吹與摩訶謂曰事據以公爲台鼎摩訶給報曰須王  
心膂節將自來方敢從命叔陵即遣戴洹譚騏麟二人詣  
摩訶摩訶執以送臺斬於閣道下持其首徇東城仍懸於  
朱雀門叔陵自知不濟遂入沈其妃張氏及寵妾七人于  
井中叔陵有部下兵先在新安於是率人馬數百自小航  
度欲趣新林以舟艦入北行至白楊路爲臺軍所邀伯固  
見兵至旋避入巷叔陵拔刀追之伯固復還叔陵部下多  
棄甲潰散摩訶馬容陳智深迎刺叔陵闔堅王飛禽斫之  
數十下馬容陳仲華就斬首送臺首寅至巳乃定尚書八

坐奏請依宋世故事流尸江中沉溺其室并毀其所生彭  
氏墳廟還謝氏之塋後主從所奏叔陵諸子即日並賜死  
豫章王叔英字子烈宣帝第三子也寬厚仁愛大建元年  
封後位司空隋大業中位涪陵太守卒

長沙王叔堅字子成宣帝第四子也母本吳中酒家婢相  
者言當生貴子宣帝微時因飲通焉生叔堅及貴召拜淑  
儀叔堅少而嚴整又頗使酒兄弟憚之好數術卜筮風角  
鎔金琢玉並究其妙初封豐城侯太建元年封累遷丹楊  
尹初叔堅與始興王叔陵並招聚賓客各爭權寵甚不平  
每朝會鹵簿不肯爲先後必分道而趨左右或爭道而鬪

至有死者及宣帝不豫叔堅與叔陵等並從後主侍疾叔陵陰有異志叔堅疑之微伺其所為及行逆賴叔堅以免以功進驃騎將軍開府儀同三司揚州刺史尋遷司空將軍刺史如故時後主患創不能視事政無大小悉決于叔堅權傾朝廷後主由是踈忌之孔範管斌施文慶等並東宮舊臣日夕陰持其短至德元年乃詔令即本號用三司之儀出為江州刺史未發尋以為司空實欲奪其權又陰令人造其厭魅刻木為偶人衣以道士服施機關能拜跪晝夜於星月下醮之祝詛於上又令人上書告其事案驗令實後主召叔堅囚于西省將黜之令近侍宣敕數之叔堅自陳為佞人所構死且慙見叔陵後主感其前功乃赦之免所居官以王還第後位中軍大將軍開府儀同三司荊州刺史秩滿還都陳亡入隋遷于瓜州叔堅素貴不知家人生產至是與妃沈氏酣酒不以耕種為事大業中為遂寧郡守卒

建安王叔卿字子弼宣帝第五子也性質直有材器容貌甚偉大建四年立位中書監陳亡入隋大業中為都官郎上黨通守

宜都王叔明字子昭宣帝第六子也儀容美麗舉止和柔狀似婦人大建五年立位侍中陳亡入隋大業中為鴻臚



少卿

河東王叔獻字子恭宣帝第九子也性恭謹聰敏好學太建五年立位南徐州刺史薨贈司空謚康簡子孝寬嗣隋大業中為汝城令

新蔡王叔齊字子肅宣帝第十一子也風采明瞻博涉經史善屬文太建七年立位侍中陳亡入隋大業中為尚書主客郎

晉熙王叔文字子才宣帝第十二子也性輕險好虛譽頗涉書史大建七年立位都督湘州刺史徵為侍中未還而隋軍濟江隋秦王至漢口時叔文自湘州還朝至巴州乃

率巴州刺史畢寶等請啟致書於秦王王遣使往巴州迎勞叔文叔文與畢寶荊州刺史陳慧紀及文武將吏赴漢口秦王並厚待之及至京隋文帝坐于廣陽門觀叔文從後主至朝堂文帝使內史令李德林宣旨責其君臣不能相弼以致喪亡後主與其羣臣並愧懼拜伏莫能仰視叔文獨欣然有自得志後上表陳在巴州先送款望異常例文帝嫌其不忠而方懷柔江表遂授開府宜州刺史淮南王叔彪字子華宣帝第十三子也少聰慧善屬文太建八年立位侍中入隋卒于長安

始興王叔重字子厚宣帝第十四子也性質朴無伎藝宣

帝崩始興王叔陵為逆誅其年立叔重為始興王以奉昭烈王後位江州刺史隋太業中為太府少卿

尋陽王叔儼字子思宣帝第十五子也性凝重舉止方正後主即位立位侍中入隋卒

岳陽王叔慎字子敬宣帝第十六子也少聰敏十歲能屬文太建十四年立至德中為丹楊尹時後主尤愛文章叔慎與衡陽王伯信新蔡主叔齊等曰夕陪侍賦詩恒被嗟賞禎明元年出為湘州刺史加都督及隋師濟江清和公楊素兵下荆州遣將龐暉略地至湘州州內將士剋日請降叔慎置酒會文武酒酣歎曰君臣之義盡於此乎長史謝

基伏而流涕湘州助防遂與侯正理在坐起曰主辱臣死諸君獨非陳國臣乎縱其無成猶見臣節青門之外有死不能今日後應者斬衆咸許諾乃刑牲結盟遣人詐奉降書於龐暉叔慎伏甲待之暉入伏兵發縛暉等以徇皆斬之叔慎招士衆數日中兵至五千人隋遣內陽公薛曹為湘州刺史聞龐暉死乃益請兵隋又遣行軍撫管劉仁恩救之未至薛曹禽叔慎秦王斬之漢口

義陽王叔達字子聽宣帝第十七子也太建十四年立位丹楊尹入隋大業中為內史舍人絳郡通守武德中位侍中封江國公歷禮部尚書卒

巴山王叔雄字子猛宣帝第十八子也太建十四年立入  
隋卒于長安

武昌王叔虞字子安宣帝第十九子也太建十四年立入  
隋大業中為高苑令

湘東王叔平字子康宣帝第二十子也至德元年立入隋  
大業中為胡蘇令

臨賀王叔敖字子仁宣帝第二十一子也至德元年立入  
隋大業中位儀同三司

陽山王叔宣字子通宣帝第二十二子也至德元年立入  
隋大業中為涇城令

西陽王叔穆字子和宣帝第二十三子也至德元年立入  
隋卒于長安

南安王叔儉字子約宣帝第二十四子也至德元年立入  
隋卒于長安

南郡王叔澄字子泉宣帝第二十五子也至德元年立入  
隋大業中為靈武令

沅陵王叔興字子推宣帝第二十六子也至德元年立入  
隋大業中為給事郎

岳山王叔韶字子欽宣帝第二十七子也至德元年立入  
丹楊尹入隋卒于長安

新興王叔純字子洪宣帝第二十八子也至德元年立入  
隋大業中為河北令

巴東王叔謨字子軌宣帝第二十九子也至德四年立入  
隋大業中為汧陽令

臨海王叔顯字子亮宣帝第三十子也至德四年立入隋  
大業中為鵠觚令

新會王叔坦字子開宣帝第三十一子也至德四年立入  
隋大業中為涉縣令

新寧王叔隆字子遠宣帝第三十二子也至德四年立入  
隋卒于長安

新昌王叔榮字子徹宣帝第三十三子也禎明三年立入  
隋大業中為內黃令

太原王叔匡字子佐宣帝第三十四子也禎明二年立入  
隋大業中為壽光令

後主二十二男張貴妃生太子深會稽王莊孫姬生吳興  
王胤高昭儀生南平王疑呂淑媛生永嘉王彥邵陵王統  
龔書嬪生南海王虔錢瑄王恬張淑華生信義王祗徐淑  
儀生東陽王恹孔貴人生吳郡王藩其皇子摠觀明綱統  
沙洽縉緯威辯十一人並未及封

太子深字奉源後主第四子也少聰慧有志操容止儼然

左右近侍未嘗見其喜愠以母張貴妃故特為後主所愛  
至德元年封始安王位揚州刺史禎明二年皇太子胤廢  
後主乃立深為皇太子隋師濟江隋將韓擒虎自南掖門入  
百寮奔散深時年十餘歲閉閣而坐舍人孔伯魚侍隋軍  
排閣入深使宣令勞之曰軍旅在道不乃勞也軍人咸致  
敬焉隋大業中為掾守太守武德初為秘書丞卒官

吳興王胤字承業後主長子也太建五年二月乙丑生於  
東宮母孫姬因產卒沈皇后哀而養之以為己子後主年  
長未有嗣宣帝命以為嫡孫詔為父後者賜爵一級十年  
封永康公後主即位為皇太子胤性敏敏好學執經肄業  
終日不倦博通大義兼善屬文時張貴妃乳胤嬪並受幸  
沈皇后無寵日夜構成后及太子之短孔範之徒又於外  
合成其事禎明二年廢為吳興王加侍中衛將軍入隋卒  
于長安

南平王嶷字承岳後主第二子也方正有器局年數歲風  
采舉動有若成人至德元年立位揚州刺史遷都督郢州  
刺史入隋卒于長安

永嘉王彥字承懿後主第三子也至德元年立位都督江  
州刺史入隋大業中為襄武令

南海王虔字承恪後主第五子也至德元年立位南徐州

刺史入隋大業中為涿令

信義王柝字承敬後主第六子也至德元年立位琅邪彭

城二郡太守入隋大業中為通議郎

邵陵王兢字承檢後主第七子也禎明元年立入隋大業

中為國子監丞

會稽王莊字承肅後主第八子也容貌最陋性嚴酷數歲

時左右有不如意輒剗刺其面或加燒爇性嗜酒愛博以

母張貴妃寵後主甚愛之至德元年立位揚州刺史入隋

大業中為昌隆令

東陽王恂字承原後主第九子也禎明二年立入隋大業

中為通議郎

吳郡王藩字承廣後主第十子也禎明二年封隋大業中

為任城令

錢唐王恬字承悛後主第十一子也禎明二年封入隋卒

于長安

江左承西晉諸王開國並以戶數相差為大小三品大國

置上中下三將軍又置司馬一人次國置中下二將軍小

國置將軍一人餘官亦準此為差武帝受命自永定訖于

禎明唯衡陽王昌特加禮命至五千戶自餘大國不過二

千小國則千戶云

論曰有陳受命雖疆土日蹙然封建之典無革先王永脩  
等並以疎屬列居著屏慧紀始終之迹其殆優乎衡陽南  
康地皆懿戚提契以殞惟命也夫文宣二帝諸子不一鄰  
陽岳陽風迹可紀古所謂維城盤石叔慎其近之乎

列傳第五十五

南史六十五

列傳第五十六

南史六十六

李延壽

杜僧明

周文育子寶安侯瑱

侯安都

歐陽頴子紇黃法𡩉

淳于量

章昭達 吳明徹裴子烈

杜僧明字弘照廣陵臨澤人也形貌眇小而有膽氣善騎  
射梁大同中盧安興為廣州刺史南江督護僧明與兄天  
合及周文育並為安興所啓請與俱行頻征徠獠有功為  
新州助防天合亦冇材幹預在征伐安興死僧明復副其  
子子雄及交州豪士李音反逐刺史蕭諮諮奔廣州臺遣

子雄與高州刺史孫罔討賁時春草已生瘴癘方起子雄請待秋討之廣州刺史新渝侯蕭映不聽蕭諮又促之子雄等不得已遂行至合浦死者十六七衆並憚役潰散禁之不可乃引其餘兵退還蕭諮啓子雄及罔與賊交通逗遛不進梁武帝敕於廣州賜死子雄弟子略子烈並豪俠家屬在南江天合謀於衆曰盧公累葉待遇我等亦甚厚矣今見枉死而不能為報非丈夫也我弟僧明萬人之敵若圍州城召百姓誰敢不從城破斬二侯然後待臺使至束手詣廷尉死猶勝生縱其不捷亦無恨矣衆咸抗慨曰是所願也唯足下命之乃與周文育等率衆結盟奉子雄

弟子略為主以攻刺史蕭映子略頓城南天合頓城北僧明文育分據東西吏人並應之一日之中衆至數萬陳武帝時在高要聞事起率衆來討大破之殺天合禽僧明及文育等並釋之引為主帥武帝征交阯及討元景仲僧明文育並有功侯景之亂俱隨武帝入援建鄴武帝於始興破蘭裕僧明為前鋒斬裕又與蔡路養戰於南野僧明馬被傷武帝馳救之以所乘馬授僧明僧明上馬復進殺數十人因而乘之大敗路養高州刺史李遷仕又據大臯入瀨石以逼武帝武帝遣周文育為前軍與僧明擊走之遷仕與寧都人劉孝尚并力將襲南康陳武又令僧明與文



育等拒之相持連戰百餘日卒禽遷仕送于武帝及帝下南康留僧明頓西昌督安城廬陵二郡軍事梁元帝承制授新州刺史臨江縣子侯景遣于慶等寇南江武帝頓豫章命僧明為前驅所向剋捷武帝表僧明為長史仍隨東討軍至蔡洲僧明率麾下燒賊水門大艦及景平除南兗州刺史進爵為侯仍領晉陵太守及荊州覆亡武帝使僧明率吳明徹等隨侯瑱西援於江州病卒贈散騎常侍諡曰威陳文帝即位追贈開府儀同三司配享武帝廟庭子

晉嗣

周文育字景德義興陽羨人也少孤貧本居新安壽昌縣

姓項氏名猛奴年十一能反覆游水中數里跳高六尺其羣兒聚戲眾莫能及義興人周蒼為壽昌浦口成主見而竒之因召與語文育對曰母老家貧兄弟姊並長大困於賤役蒼哀之乃隨文育至家就其母請文育養為己子母遂與之及蒼秩滿與文育還都見太子詹事周捨請制名字捨因為立名為文育字景德命兄子弘讓教之書計弘讓善隸書寫蔡邕勸學及古詩以遺之文育亦之省謂弘讓曰誰能學此取富貴但有大槩耳弘讓壯之教之騎射文育大悅司州刺史陳慶之與蒼同郡素相善蒼蒼為前軍主慶之使蒼將五百人往新蔡懸瓠慰勞白水蠻謀執

奮以入魏事覺奮與文育拒之時賊徒甚盛一日中戰數十合文育前鋒陷陣勇冠軍中奮以陣戰死文育馳取其尸賊不敢逼及夕谷引去文育身被九創創愈辭請還葬慶之壯其節厚加贈遺而遣之葬訖會盧安與為南江督護啓文育同行累征有功除南海令安與死後文育與杜僧明攻廣州為陳武帝所敗帝赦之後監州王勳以文育為長流深被委任勳被代文育欲與勳俱下至大使嶺詔卜者卜者曰君北下不過作令長南入則為公侯文育曰足錢便可誰望公侯卜人又曰君須與當暴得銀至二千兩若不見信以此為驗其夕宿逆旅有賈人來與文育博

文育勝之得銀二千兩旦辭勳勳問其故文育以告勳乃信之武帝聞其還大喜分麾下配焉武帝之討侯景文育與杜僧明為前軍剋蘭裕接歐陽頔皆有功武帝破蔡路養於南野文育為路養所圍四面數重矢石兩下所乘馬死文育右手搏戰左手解鞬潰圍而出與杜僧明等相得并力復進遂大敗之武帝乃表文育為府司馬李遷仕之據大臯遣其將軍杜平虜入瀨石魚梁作城武帝命文育擊之平虜棄城走文育據其城遷仕聞平虜敗留老弱於大臯悉選精兵自將以攻文育文育與戰遷仕稍却相持未解會武帝遣杜僧明來接別破遷仕水軍遷仕眾潰不

收過大臯直走新淦梁元帝授文育義州刺史遷仕又與  
劉孝尚謀拒義軍武帝遣文育與侯安都杜僧明徐度杜  
稜築城於白口拒之文育頻出與戰遂禽遷仕武帝發自  
南康遣文育將兵五千開通江路侯景將王伯醜據豫章  
文育擊走之遂據其城累功封東遷縣侯武帝軍至白茅  
灣命文育與杜僧明常為軍鋒及至姑熟與侯景將侯子  
監戰破之景平改封南移縣侯累遷散騎常侍武帝誅王  
僧辯令文育督衆軍會文帝於天興圍剋杜龕又濟江襲  
會稽太守張彪得其郡城及文帝為彪所襲文育時頓城  
北香巖寺文帝夜往趨之彪又來攻文育苦戰遂破平彪

武帝以侯瑱擁據江州命文育討之仍除南豫州刺史率  
兵襲益城未剋徐嗣徽引齊人度江據蕪湖詔徵文育還  
都嗣徽等乃列艦於青墩至于七磯以斷文育歸路及夕  
文育鼓譟而發嗣徽等不能制至旦反攻嗣徽嗣徽驍將  
鮑碎獨以小艦毀文育乘單舫艤跳入碎艦斬碎仍牽其  
艦而還賊衆大駭因留船蕪湖自丹楊步上時武帝拒嗣  
徽於白城適與文育會將戰風急武帝曰矢不逆風文育  
曰事急矣當決之何用古法抽契上馬而進衆軍隨之風  
亦尋轉殺傷數百人嗣徽等移營莫府山文育從頓對之  
頻戰功最進爵壽昌縣公給鼓吹一部及廣州刺史蕭勃

舉兵踰嶺詔文育督衆軍討之時新吳洞主余孝頃舉兵  
應勃遣其弟孝勤守郡城自出豫章據于石頭勃使其子  
孜將兵與孝頃相會又遣其別將歐陽顛頓軍苦竹灘傳秦  
據壘口城以拒官軍官軍船少孝頃有舩艦三百艘艦百餘  
乘在上牢文育遣軍主焦僧度羊柬潛軍襲之悉取而歸  
仍於豫章立柵時官軍食盡欲退還文育不許乃使人間  
行遺周迪書約為兄弟并陳利害迪得書其喜許饋以糧  
於是文育分遣老小乘故船舫沿流俱下燒豫章所立柵  
偽退孝頃望之大喜因不設備文育由閒道信宿達羊韶  
羊韶上流則歐陽顛蕭勃下流則傅泰余孝頃文育據其  
中間築城饗士賊徒大駭歐陽顛乃退入泥溪作城自守  
文育遣嚴威將軍周鐵武與長史陸山才襲頓禽之於是  
盛陳兵甲與顛乘舟而宴以巡傳秦城下因攻秦剋之蕭  
勃在南康聞之衆皆股慄其將潭世遠斬勃欲降為人所  
害世遠軍主夏侯明徹持勃首以降蕭孜余孝頃猶據石  
頭武帝遣侯安都助文育攻之孜降文育孝頃退走新吳  
廣州平文育還頓豫章以功授開府儀同三司王琳擁據  
上流詔侯安都為西道都督文育為南道都督同會武昌  
與琳戰於沌口為琳所執後得逃歸請罪詔不問復其官  
爵及周迪破余孝頃孝頃子公颺弟孝勤猶據舊柵擾動

南土武帝復遣文育及周迪黃法蕤等討之豫章內史熊曇朗亦率眾來會文育遣吳明徹為水軍配周迪運糧自率眾軍入象牙江築城於金口公颺偽降謀執文育事覺文育囚之送都以其部曲分隸眾軍乃捨舟為步軍進據三陂王琳遣將曹慶救孝勣分遣主帥常眾愛與文育相拒自帥所領攻周迪吳明徹軍迪等敗文育退據金口熊曇朗因其失利謀害文育以應眾愛文育監軍孫白象頗知其事勸令先之文育曰不可我舊兵少客軍多若取曇朗人皆驚懼亡立至矣不如推心撫之初周迪之敗棄船走莫知所在及得迪書文育喜齎示曇朗曇朗害之於坐

武帝聞之即日舉哀贈侍中司空謚曰忠愍初文育之據三陂有流星墜地其聲如雷地陷方一丈中有碎炭數斗又軍市中忽聞小兒啼一市並驚聽之在上下軍人掘焉得棺長三尺文育惡之俄而迪敗文育見殺天嘉二年有詔配享武帝廟庭子寶安嗣文育本族兄景曜因文育官至新安太守

寶安字安人年十餘歲便習騎射以貴公子驕蹇游逸好狗馬樂驅馳靡衣媮食文育之為晉陵一征討不逞之郡令寶安監知郡事尤聚惡少年武帝患之及文育西征敗績繫於王琳寶安便折節讀書與士君子游綏御文育士

南史卷之五十一  
卒甚有威惠文育歸復除吳興太守文育為熊曇朗所害  
徵寶安還起為猛烈將軍領其舊兵仍令南討文帝即位  
深器重之寄以心膂精卒多配焉及平王琳頗有功周迪  
之破熊曇朗寶安南入窮其餘燼天嘉二年重拜吳興太  
守襲封壽昌縣公三年征留異為侯安都前軍異平除給  
事黃門侍郎衛尉卿再遷左衛將軍領衛尉卿卒謚曰成  
子碧嗣位晉陵定遠二郡

侯瑱字伯玉巴西充國人也父弘遠累世為西蜀酋豪蜀  
賊張文藝據白崖山有眾萬人梁益州刺史鄒陽王蕭範  
命弘遠討之弘遠戰死瑱固請復讎盡戰先鋒遂斬文藝

由是知名因事範範委以將節之任山谷夷獠不附者並  
遣瑱征之累功授輕車府中兵參軍晉康太守範為雍州  
刺史瑱除馮翊太守範遷鎮合肥瑱又隨之侯景圍臺城  
範乃遣瑱補其世子嗣入援都及城陷瑱嗣同退還合肥  
仍隨範徙鎮益城俄而範及嗣皆卒瑱領其眾依于豫章  
太守莊鐵鐵疑之瑱懼不自安詐引鐵謀事因刃之據豫  
章之地後降於侯景將于慶慶送瑱於景景以瑱與己同  
姓託為宗族待之甚厚留其妻子及第為質遣瑱隨慶平  
蠡南諸郡及景敗巴陵景將宋子仙任約等並為西軍所  
獲瑱乃誅景黨與以應義師景亦誅其弟及妻子梁元帝

授瑱南兖州刺史耶縣侯仍隨都督王僧辯討景恒為前鋒既復臺城景奔吳郡僧辯使瑱追景大敗之於吳松江以功除南豫州刺史鎮姑熟及齊遣郎元建出濡須僧辯遣瑱扞之太敗元建魏攻荊州王僧辯以瑱為前軍赴援未至而魏剋荊州瑱頓九江因衛晉安王還都承制以瑱為侍中江州刺史加都督改封康樂縣公及司徒陸法和據郢州引齊兵來寇乃使瑱西討未至而法和入齊齊遣慕容恃德鎮夏首瑱攻之恃德食盡詰和瑱還鎮豫章僧辯使其弟僧惜與瑱共討蕭勃及陳武帝誅僧辯僧惜陰欲圖瑱而奪其軍瑱知之盡收僧惜徒黨僧惜奔齊是時

瑱據山流甚強又以本事王僧辯雖外示臣節未肯入朝初余孝頃為豫章太守及瑱鎮豫章乃於新吳縣別立城柵與瑱相拒瑱留軍人妻子於豫章令從弟滄知後事悉眾以攻孝頃自夏迄冬弗能剋滄與其部下侯方兒不協方兒下攻滄虜瑱軍府妓妾金玉歸于武帝瑱既失根本輕歸豫章豫章人拒之乃趨益城就其將焦僧度僧度勸瑱投齊瑱以武帝有大量必能容已乃詣闕請罪武帝復其爵位未定二年進位司空文帝即位進授太尉王琳至柵口又以瑱為都督侯安都等並隸焉天嘉元年二月王琳引合肥淩湖之眾舳舻相次而下瑱率軍進獸檻洲明

日合戰琳軍少却及夕東西風吹其舟艦並壞夜中有流星墜于賊營及旦風靜琳入浦以鹿角繞岸不敢復出時西魏將史寧躡其上流項聞之知琳不能持久收軍却據湖浦以待其弊及史寧至圍郢州琳恐衆潰乃率船來下去蕪湖十里而泊明日齊人遣兵助琳項令軍中晨炊蓐食頓蕪湖洲尾以待之將戰有微風至自東南衆軍施拍縱火定州刺史章昭達乘平虜大艦中江而進琳軍大敗脫走以免者十二三琳因此入齊其年詔以瑱爲都督五州諸軍事鎮益城周將賀若敦獨孤盛等來攻巴湘又以瑱爲西討都督大敗盛軍以功授湘州刺史改封零陵郡

公二年薨贈大司馬謚曰壯肅配享武帝廟庭子淨藏嗣尚文帝女富陽公主

侯安都字成師始興曲江人也爲郡著姓父捍少仕州郡以忠謹稱安都貴後官至光祿大夫始興內史安都二隸書能鼓琴涉獵書傳爲五言詩頗清靡兼善騎射爲邑里雄豪侯景之亂招集兵甲至三千人陳武帝入援臺城安都引兵從武帝攻蔡路養破李遷仕剋平侯景並力戰有功封富川縣子隨武帝鎮京口除蘭陵太守武帝謀襲主僧辯唯與安都定計仍使安都率水軍自京口趣石頭武帝自從江乘羅落會之安都至石頭丘棄山僧辯帝



之覺石頭城北接岡阜不甚危峻安都被甲帶長刀軍人  
捧之投於女垣內衆隨而入進逼僧辯臥室武帝大軍亦  
至與僧辯戰于聽事前安都自內閣出腹背擊之遂禽僧  
辯以功授南徐州刺史武帝東討杜龕安都留臺居守徐  
嗣徽任約等引齊寇入據石頭游騎至于闕下安都閉門  
示弱令城中登陴看賊者斬及夕賊收軍還石頭安都夜  
令士卒密營禦敵之具將旦賊騎至安都與戰大敗之賊  
乃退還石頭不敢逼臺城及武帝至以安都爲水軍於中  
流斷賊糧運又襲秦郡破嗣徽柵收其家口得嗣徽所彈  
琵琶及所養鷹鷂遺信餉之曰昨至弟住處得此今以相還

嗣徽等見之大懼尋求和武帝聽其還北及嗣徽等濟江  
齊之餘軍猶據採石守備甚嚴又遣安都攻之多所得獲  
明年春詔安都率兵鎮梁山以備齊徐嗣徽等復入至湖  
熟武帝追安都還拒之戰於耕壇南安都率十二騎突其  
陣破之禽齊儀同乞扶無芳又刺齊將東方老墮馬會賊  
騎至救老墮免賊北度蔣山安都又與齊將王敬寶戰於  
龍尾使從弟曉軍主張纂前犯其陣曉被創墜馬張纂死  
之安都馳往救曉斬其騎士十二人取纂尸而還齊軍不  
敢逼武帝與齊軍戰於幕府山命安都自白下橫擊其後  
大敗之以功進爵爲侯又進號平南將軍改封曲江縣公

仍督水軍出豫章助豫州刺史周文育討蕭勃安都未至  
文育已斬勃并禽其將歐陽頎傳泰等唯余孝頃與勃子  
孜猶於豫章之石頭作兩城孝頃與孜各據其一又多設  
船艦夾水而陣安都至乃銜枚夜燒其艦文育率水軍安  
都領步騎登岸結陣孝頃俄斷後路安都乃令軍士豎柵  
引營漸進頻致剋獲孜乃降孝頃奔歸新吳請入子為質  
許之以功加開府儀同三司仍率眾會武昌與周文育西  
討王琳將發王公以下餞於新林安都躍馬度橋人馬俱  
墜水中又坐艫內墜於櫓井時以為不祥至武昌琳將樊  
猛棄城走文育亦自豫章早至時兩將俱行不相統攝因部

下交爭稍不平軍至郢州琳將潘純於城中遙射官軍安  
都怒圍之未刻而王琳至弁口安都乃釋郢州悉眾往沌  
口以禦之遇風不得進琳據東岸官軍據兩岸相持數日  
乃合戰安都等敗與周文育徐敬成並為琳囚摠以一長  
鑱繫之置之艫下令所親宦者王子晉掌視之琳下至盆  
城白水浦安都等言許賂子晉子晉乃偽以小船住艫  
而釣夜載安都文育敬成上岸入深草步投官軍還都自  
劾詔並赦之復其官爵尋為丹楊尹出為南豫州刺史令  
繼周文育文余孝勳及王琳將曹慶常眾愛等安都自宮  
亭湖出松門躡眾愛後文育為熊曇朗所害安都回取大

艦遇琳將周吳周協南歸與戰破之禽吳協孝勸弟孝猷率部下四千家欲就王琳遇吳敗乃詣安都降安都又進軍於禽奇洲破曹慶常衆愛等焚其船艦衆愛奔廬山為村人所殺餘衆悉平還軍至南皖而武帝崩安都隨文帝還朝乃與羣臣議翼奉文帝時帝謙讓弗敢當太后又以衡陽王故未肯下令羣臣不能決安都曰今四方未定何暇及遠臨川王有功天下須共立之今日之事後應者斬便按劍上殿白太后出璽义手解文帝髮推就喪次文帝即位遷司空仍授南徐州刺史給扶王琳下至柵口大軍出頓蕪湖時候瑱為大都督而指麾經略多出安都及王琳入齊安都進軍盆城討琳餘黨所向皆下仍別奉中旨迎衡陽獻王昌初昌之將入致書於文帝辭甚不遜帝不憚召安都從容而言曰太子將至須別求一蕃吾其老焉安都對曰自古豈有被代天子愚臣不敢奉詔因自迎昌中流而殺之以功進爵清遠郡公自是威名甚重羣臣無出其右安都父捍為始興內史卒於官文帝徵安都為發喪尋起復本官贈其父散騎常侍金紫光祿大夫拜其母為清遠國太夫人仍迎赴都母固求停鄉里上乃下詔改桂陽郡之汝城縣為廬陽郡分衡州之始興安遠二郡合三郡為東衡州以安都從弟曉為刺史安都第三子祕年

九歲上以爲始興內史並令在鄉侍養改封安都桂陽郡  
公王琳敗後周兵入據巴湘安都奉詔西捍及留異擁據  
東陽又奉詔東討異本謂臺軍自錢唐江上安都乃步由  
會稽之諸暨出永康異大恐奔桃枝嶺巖巖谷間豎柵以  
拒守安都躬自接戰爲流矢所中血流至踝安都乘輿麾  
軍容止不變因其山隴爲堰屬夏潦水漲安都引船入堰  
樓艦與異城等放拍碎其樓異與第二子忠臣脫身奔晉  
安虜其妻子振旅而歸加侍中征北大將軍仍還本鎮吏  
人詣闕表請立碑頌美安都功績詔許之自王琳平後安  
都勳庸轉大又自以功安社稷漸驕矜招聚文武士馬

馳騁或命以詩筆第其高下以差次賞賜之文士則褚玠  
馬樞陰鏗張正見徐伯陽劉刪祖孫登武士則蕭摩訶裴  
子烈等並爲之賓齋內動至千人部下將帥多不遵法度  
檢問收攝則奔歸安都文帝性嚴察深銜之安都曰益驕  
慢表啓封訖有事未盡乃開封自書之云又啓某事及侍  
宴酒酣或箕踞傾倚嘗陪樂游襖飲乃白帝曰何如作臨  
川王時帝不應安都再三言之帝曰此雖天命抑亦明公  
之力宴訖又啓便借供張水飾將載妻妾於御堂歡會帝  
雖許其請甚不懌明日安都坐於御坐賓客居羣臣位稱  
觴上壽初重雲殿災安都率將士帶甲入殿帝甚惡之自

是陰爲之備又周迪之反朝均當使安都討之帝乃使吳明徹討迪又頻遣臺使案問安都部下獲括亡叛安都內不自安天嘉三年冬遣其別駕周弘實督託於舍人蔡景歷并問省中事景歷錄其狀奏之稱安都謀反帝慮其不受召明年春乃除安都爲征南大將軍甲江州刺史自京口還都部伍入於石頭帝引安都宴於嘉德殿又集其掣將帥會于尚書朝堂於坐收安都囚于西省又收其將帥盡奪馬仗而釋之因出景歷表於朝之下詔暴其罪明日於西省賜死尋有詔宥其妻子家口并以士禮初武帝嘗與諸將宴杜僧明周文育侯安都爲壽各稱功伐帝曰卿

等悉良將也而並有所短杜公志大而識暗狎於下而驕於尊矜其功不收其拙周侯交不擇人而推心過差居危履嶮猜防不設侯即傲誕而無厭輕佻而肆志並非全身之道卒皆如言太建三年宣帝追封安都陳集縣侯子璽爲嗣

歐陽頴字靖世長沙臨湘人也爲郡豪族少質直有思理以言行著於嶺表父喪哀毀甚至家產累積悉讓諸兄廬於麓山寺傍專精習業博通經史年三十其兄逼令從官梁左衛將軍蘭欽少與頴善故頴常隨欽征討欽南征夷獠禽陳文徹所獲不可勝計大獻銅鼓累代所無頴預其

功還為直閣將軍欽征交州復啓顏同行欽度嶺而卒顏  
除臨賀內史啓乞送欽喪還都然後之任時湘衡界五十  
餘洞不賓敕衡州刺史韋粲討之粲委顏為都督悉皆平  
殄侯景構逆粲自解還都征景以顏監衡州臺城陷後嶺  
南互相吞併蘭欽弟前高州刺史裕攻始興內史蕭昭基  
奪其郡以兄欽與顏舊遣招之顏不從謂使曰高州昆季  
隆顯莫非國恩今應赴難援都豈可自為跋扈及陳武帝  
入援都將至始興顏乃深自結託裕遣兵攻顏武帝援之  
裕敗武帝以王懷明為衡州刺史遷顏為始興內史武帝  
之討蔡路養李遷任也顏助帝平之梁元帝承制以始興

郡為東衡州以顏為刺史封新豐縣伯侯景平元帝徧問  
朝宰使各舉所知群臣未對元帝曰吾已得一人矣歐陽  
顏甚公正本有匡濟才恐蕭廣州不肯致之乃授武州刺  
史尋授郢州欲令出嶺蕭勃留之不獲拜命尋授衡州刺  
史進封始興縣侯時蕭勃在廣州兵強位重元帝深患之  
遣王琳代為刺史琳已至小桂嶺勃遣其將孫瑒監州盡  
率部下至始興避琳兵鋒顏別據一城不往謂勃閉門高  
壘亦不相戰勃怒遣兵龍襲顏盡收其資財馬仗尋赦之還  
復其所復與結盟魏平荊州顏委質於勃及勃度嶺出南  
康以顏為前軍都督周文育破禽之送于武帝帝釋而禮

之蕭勃死後嶺南亂顏有聲南土且與武帝有舊乃授安南將軍衡州刺史封始興縣侯未至嶺顏子紇已剋始興及顏至嶺南皆懾伏仍進廣州盡有越地改授都督交廣等十九州諸軍事平越中郎將廣州刺史王琳據有中流顏自海道及東嶺奉使不絕永定三年即本號開府儀同三司文帝即位進號征南將軍改封陽山郡公初交州刺史袁暹緩密以金五百兩寄顏令以百兩還合浦太守襲為四百兩付兒智矩餘人弗之知顏尋為蕭勃所破皆財並盡唯所寄金獨存暹緩亦尋卒至是顏並依信還之時人莫不歎伏之時顏合門顯貴威振南土又多致銅鼓生

口獻奉珍異前後委積頗有助軍國天嘉四年薨贈司空謚曰穆子紇嗣紇字奉聖頗有幹略襲父官爵在州十餘年威惠著於百越宣帝以紇父在南服頗疑之太建元年徵為左衛將軍其部下多勸之反遂舉兵攻衡州刺史錢道戢詔儀同章昭達討禽之送至都伏誅子詢以年幼免黃法蕘字仲昭巴山新建人也少勁捷有膽力日步行二百里能距躍三丈頗便書疏開明簿領出入州郡中為鄉閭所憚侯景之亂於鄉里合徒眾太守賀詡下江州法蕘監知郡事陳武帝將踰嶺入接建鄴李遷仕作梗中途武帝命周文育屯西昌法蕘遣兵助文育時法蕘出頓新淦

縣景遣行臺于慶來襲新淦法甌敗之梁元帝承制授交  
州刺史資領新淦縣令封巴山縣侯帝即位改封新建  
縣侯太平元年割江西四郡置高州以法甌為刺史鎮巴  
山蕭勃歐陽頎來攻法甌破之永定三年王琳遣李孝欽  
樊猛余孝頃攻周迪且謀取法甌法甌援迪禽孝頃等三  
將以功授平南將軍開府儀同三司熊曇朗於金口害周  
文育法甌共周迪討平之天嘉三年周迪反法甌與吳明  
徹討平迪法甌功居多廢帝即位進爵為公太建五年大  
舉北侵法甌為都督出歷陽於是為拋車及步艦豎拍以  
逼之砲加其樓堞剋之盡誅其戍

合肥望旌降款

法甌禁侵掠躬自勞撫而與之盟並放還

以功加侍中

改封義陽郡公七年為豫州刺史鎮壽陽薨贈司空諡曰

威子玩嗣

淳于量字思明其先濟北人也世居建鄴父文成仕梁為  
將帥位梁州刺史量少善自居處偉姿容有幹略便弓馬  
梁元帝為荊州刺史文成分量人馬令往事焉以軍功封  
廣晉縣男侯景之亂梁元帝凡遣五軍入援臺量預其一  
臺城陷量還荊州元帝承制以為巴州刺史侯景西上攻  
巴州元帝使都督王僧辯入據巴陵量與僧辯并力拒景  
大敗之禽其將任約進攻郢州獲宋子仙仍隨僧辯平侯



南史列傳三十一  
景封謝沐縣侯尋出為都督桂陽刺史及魏剋荊州量保  
桂州王琳擁割湘郢累遣召量量外雖與琳往來而別遣  
使歸陳武帝武帝受禪進位鎮西大將軍開府儀同三司  
天嘉五年徵為中撫軍大將軍量所部將率多戀本土並  
欲逃入山谷不願入朝文帝使湘州刺史華皎征衡州且  
以兵迎量天康元年至都以在道淹留為有司奏免儀同  
餘如故華皎構逆以量為征南大將軍西討大都督摠率  
大艦自郢州樊浦拒之皎平并降周將長湖公元定等以  
功授侍中中軍大將軍開府儀同三司進封醴陵縣公未  
拜出為南徐州刺史太建元年進號征北大將軍給扶三

年就江陰王蕭季卿買梁陵中樹季卿坐免量免侍中尋  
復侍中吳明徹之北倖也量讚成其事又遣第六子岑率  
所領從軍淮南剋定量改封始安郡公及周獲吳明徹乃  
以量為都督水陸諸軍事車騎將軍都督南兖州刺史十  
四年薨贈司空

章昭達字伯通吳興武康人也性倜儻輕財尚氣少時遇  
相者謂曰卿容貌甚善須小虧則當富貴梁大同中昭達  
為東宮直後因醉墮馬鬚角小傷昭達喜之相者曰未也  
侯景之亂昭達率鄉人樓臺為流矢所中眇其一目相者  
見之曰卿相善矣不久當富貴臺城陷昭達還鄉里與陳

文帝游因結君臣分侯景平文帝為吳興太守昭達杖策  
來謁文帝見之大喜因委以新帥恩寵超於齊等陳武帝  
謀討王僧辯令文帝還長城招聚兵眾以備杜龕頗使昭  
達往京口稟承計畫僧辯誅後杜龕遣其將杜泰來攻長  
城昭達因從文帝進軍吳興以討龕龕平又從討張彪於  
會稽剋之累功除定州刺史時留異擁據東陽武帝患之  
乃使昭達為長山令居其心腹天嘉元年追論長城功封  
欣樂縣侯尋隨侯安都拒王琳昭達乘平虜大艦中流而  
進先鋒發拍中賊艦王琳平昭達策勳第一二年除都督  
鄧州刺史周迪據臨川反詔昭達便道征之迪敗走徵為

護軍將軍改封邵武縣侯四年陳寶應納周迪共寇臨川  
又以昭達為都督討迪迪走昭達乃踰嶺討陳寶應與戰  
不利因據上流為筏施拍其上壞其水柵又出兵攻其步  
軍方大合戰會文帝遣余孝頃出自海道適至因并力乘  
之遂定閩中盡禽留異寶應以功授鎮軍將軍開府儀同  
三司初文帝嘗夢昭達升台鉉及旦以夢告之至是待宴  
酒酣顧昭達曰卿憶夢不何以償夢昭達對曰當効犬馬  
之用以盡臣節自餘無以奉償尋出為都督江州刺史廢  
帝即位改封邵陵郡公華皎之反其移文並假以昭達為  
辭又頗遣使招之昭達盡執其使送都秩滿徵為中撫大



將軍宣帝即位進號車騎大將軍以還朝遲留為有司所  
劾降號車騎將軍歐陽紇據嶺南反詔昭達都督眾軍征  
之紇聞昭達奄至乃出頓泥口聚沙石盛以竹籠置於水  
柵之外用遏舟艦昭達居其上流裝艦造拍以臨賊柵又  
令人銜刀潛行水中以斫竹籠籠篋皆解因縱大艦突之  
大敗紇禽之送都廣州平進位司空太建二年征江陵時梁  
明帝與周軍大蓄舟艦於青泥中昭達分遣偏將錢道戢  
程文季乘輕舟焚之周又於峽口南岸築壘名安蜀城於  
江上橫引大索編葦為橋以度軍糧昭達乃命軍士為長  
戟施樓船上仰割其索索斷糧絕因縱兵攻其城降之三

年於軍中病薨贈大將軍昭達性嚴刻每奉命出征必  
夜倍道然其所剋必推功將帥厨膳飲食並同羣下將士  
亦以此附之每飲會必盛設妓伎雜樂備羌胡之聲管律  
姿容並一時之妙雖臨敵弗之廢也四年配享文帝廟庭  
子大寶襲邵陵郡公位豐州刺史在州貪縱百姓怨酷後  
主以太僕卿李暈代之乃襲殺暈而反尋被禽梟首朱雀  
航夷三族

吳明徹字通昭秦郡人也父樹梁右軍將軍明徹幼孤性  
至孝年十四感墳塋未脩家貧無以取給乃勤力耕種時  
天下亢旱苗稼焦枯明徹哀憤每之田中號哭仰天自訴

居數日有自田還者云苗口更生明徹疑其給已及往如  
言秋而大獲足充葬用時有伊氏者善占墓謂其兄曰君  
葬日必有乘白馬逐鹿者經墳此是最小孝子大貴之徵  
至時果有應明徹即樹之小子也及侯景寇都明徹有粟  
麥三千餘斛而鄰里飢餓乃白諸兄曰今人不圖久奈何  
不與鄉里共此於是計口平分同其豐儉羣盜聞而避焉  
賴以存者甚眾陳武帝銜京口深相要結明徹乃詣武帝  
帝為之降階執手即席明徹亦微涉書史經傳就以南周  
弘正學天文孤虛遁甲略通其術頗以英雄自許武帝亦  
深之及受禪授安南將軍與侯安都周文育將兵討王

琳及眾軍敗沒明徹自拔還

文帝即位以本官加右衛

將軍及周迪反詔以明徹為

州刺史領豫章太守摠眾

軍以討迪明徹雅性剛直統內一甚和文帝聞之遣安成

王瑱代明徹令以本號還朝天 嘉五年遷吳興太守及引

辭之郡帝謂曰吳興雖郡帝鄉之重故以相授廢帝即位

授領軍將軍尋遷丹楊尹仍詔以甲仗四十人出入殿省

到仲舉之矯令出宣帝也毛喜知其詐宣帝懼遣喜與明

徹籌焉明徹曰嗣君諒闇萬機多闕殿下親實周召德冠

但霍願留中深計慎勿致疑及湘州刺史華皎陰有異志

詔授明徹都督湘州刺史仍與征南大將軍淳于量等討

皎平授開府儀同三司進爵為公太建五年朝議北征公  
卿互有異同明徹決策請行詔加侍中都督征討諸軍事  
檢衆軍十餘萬發都緣江城鎮相續降款軍至秦郡齊大  
將軍尉破胡將兵為援破走之秦郡降宣帝以秦郡明徹  
舊邑詔具大牢令拜祠上冢文武羽儀甚盛鄉里榮之進  
剋仁州授征北大將軍進封南平郡公進逼壽陽齊遣王  
琳拒守明徹乘夜攻之中宵而潰齊兵退據相國城及金  
城明徹令軍中益脩攻具又遇肥水灌城城中苦濕多病  
疾手足皆腫死者十六七會齊遣大將皮景和率兵數  
萬來援去壽春三十里頓軍不進諸將咸曰計將安出

徹曰兵貴在速而彼結營不進自挫其鋒吾知其不敢戰  
明矣於是躬擐甲胄四面疾攻城中震恐一鼓而禽王琳  
等送建鄴景和懼而遁走詔以為車騎大將軍豫州刺史  
增封并前三千五百戶遣謁者蕭淳就壽陽授策明徹於  
城南設壇士卒二十萬陳旗鼓戈甲登壇拜受成禮而退  
六年自壽陽入朝輿駕幸其第賜鍾磬一部七年進攻彭  
城軍至呂梁又大破齊軍八年進位司空給大都督鈇鉞  
龍麾尋授都督南兖州刺史及周滅齊宣帝將事徐兖九  
年詔明徹北侵令其世子慧覺攝行州事軍至呂梁周徐  
州總管梁士彥率衆拒戰明徹頻破之仍迓清水以灌其

城攻之甚急環列舟艦於城下周遣上大將軍王軌救之  
軌輕行自清水入灌口橫流豎采以鐵鎖貫車輪遏斷船  
路諸將聞之甚恐議欲破堰拔軍以舫載馬馬明成裴子  
烈曰君若決堰下船船必傾倒豈可得乎不如前遣馬出  
適會明徹苦背疾甚篤知事不濟遂從之乃遣蕭摩訶帥  
馬軍數千前還明徹仍自決其堰乘水力以退軍及至清  
口水力微舟艦並不得度衆軍皆潰明徹窮蹙乃就執周  
封懷德郡公位大將軍以憂薨疾卒於長安後故吏盜其  
柩歸至德元年詔追封邵陵侯以其息慧覺嗣裴子烈字  
大士河東聞喜人梁貞外散騎常侍猗之子少孤有志氣

以驍勇聞位北譙太守岳陽內史封海安伯

論曰古人云知臣莫若君書曰知人則哲觀夫陳武論將  
而周侯遇禍有以知斯言之非妄矣若不然者亦何以驅  
駕雄傑而創基撥亂者乎故瑱顧並自奔囚翻同有亂毛  
量望風景附自等誠臣良有以也昭達勤王之略遠符耿  
弇行已之方頗同吳漢既眇而貴亦黥而王吉凶之筭豈  
人事也明徹屬運否之期當關土之任才非韓白識暗孫  
吳知進而不知止知得而不知喪犯斯不韙師亡國處宜  
矣哉

列傳第五十六

南史六十六

精暇奇觀

精暇奇觀

㊦  
20  
18



